



焦氏澹園續集卷之十五目錄

墓志銘

封宜人浙江杭州府知府初庵方公元配洪

氏墓志銘

贈太安人王母唐氏墓志銘

鴻臚寺序班雲江李公元配孺人沈氏墓志

銘

贈孺人陳母孫氏墓志銘

亡室朱趙兩安人合葬墓志銘

長樂縣
振錄西
請錄



海園續集 卷一 五 目錄
封安人翁室冷氏墓志銘

昭武將軍徐公元配淑人鄭氏墓志銘

貴州按察司按察使熙臺劉公元配淑人錢

氏墓志銘

廣西全州同知金公元配汪孺人墓志銘

江母鍾孺人墓志銘

陳孺人墓碣銘

墓志銘

焦氏澹園續集卷之十五

墓志銘

封宜人浙江杭州府知府初庵方公元配洪

氏墓志銘

初庵方公余之石交也為人挺持卓偉有壁立萬

仞之風性雅嗜讀書貫穿馳騁日夕無停披家人

生事不問也而家日理名聲日聞蓋有宜人之助

焉公不幸早逝宜人獨居者二十有七載以萬曆

戊申九月十有四日卒於寢子時化時俊以某月

某日啟初庵公之寤而祔焉乃排纘事行屬余為志銘按狀宜人姓洪氏新安歙縣人祖西源公某父靜所公某宜人以嘉靖乙卯來歸會祖姑若姑相繼歿舅賈宛陵無餘貲而宜人拮据其間紉縫餽爨一出其手無難色初庵公由郎官典名郡通顯矣顧持廉甚果蔬米鹽禁不得入諸饌醢醬醢一切倚宜人而辦又以其間嚴扃鑰譏僮僕惟謹一夕廨舍火宜人獨取符印管鑰俟公出再拜而火滅會時旱嘆問桔槔亾有也宜人削墨為式出

示匠者器成而功倍其就公官方皆此類也初庵公以郡伯予告歸未幾而卒宜人慟舅之不終養也遺孫之未成立也乃忍死而待久之婚嫁葬祭犁然就緒而宜人年五十矣郡國守相及子姓姻婭以次稱觴於堂里人以爲榮宜人泣曰未亾人始望不及此幸婚嫁甫畢舅以天年終獨一室未葺無以棲若曹了此吾願畢矣自此勵志白業為西歸津梁救斷家事勿問又二十載乃感胃疾卒距其生享年七十以初庵公貴再命皆宜人子二

海園續集 卷十五
長時化舉人娶胡氏次時俊娶吳氏孫某某時化
出某某時俊出女幾人所適皆名族夫宜人升堂
而稱婦能安其老者退而稱小君以御於家家人
宜之稱母程其子於學而學遂是時初庵公之賢
天下爭知之而曰予無恤於家者宜人力也而宜
人之子又悉以材聞於世嗚呼難已銘曰
封五品非小年七十非天生而宜家後有紹山川
紆回維宅兆後之式者其有考

贈太安人王母唐氏墓志銘

比部王君才名藉一時蓋自雋南宮而以治行表
畿輔學士大夫爭慕說之顧不知太安人力也一
日過余手所爲狀以示則母太安人前以丁酉殤
而以墓門之石見屬余曷辭按狀太安人姓唐氏
十五歸封翁太安人父故小吏家赤貧歸時假隣
姬飾以行太安人不可悉返所假者入門拜尊人
三日卽詣庖厨董中饋得尊人歡且迎封翁意斥
鉛華不御封翁益安之封翁磊落不問家且多長
者游產益挫太安人脫簪珥爲助間諷封翁姑喪

而翁鰥筮老矣柰何不蚤計而遺其憂封翁亦藉其言以自策懸壺京師術不售旅處益落寞半廛而居以一薄介內外盛夏炎蒸如灼太安人兀坐薄內未嘗一緩衣帶也有問醫者呼茗茗具而薄以內若虛無人然大雪突無煙來餉者太安人却不受鑪灰盡風可裂膚獨懷兒女煦之有襦絮盡擁封翁使善寢爲來日地耳會歲侵家益不支太安人時以溫語解封翁謂豈有壺隱翁而長貧者壺隱封翁自號也嗣封翁醫日有名稍稍具生

事尋以醫官奉

命賑塞上則家以益昌太安人

於兒女婚姻之禮一如居約時親屬好會多鼎族盛服御而至太安人獨榛笄大布自如御子舍以勤慎不少假詞色諸幼子自外傳歸步趨揖拜必以節馳者戲者必加誚責至飲食亦衡勤惰以給之稍長擇師授經戒母得嬉游卽嬉游者至無敢內者課比部讀一燈熒熒不丙夜不休比部從友人見文選歸而謀諸太安人輒解一簪以購其亟欲就比部君於學如此性好施而尤急人之難如

澠園集 卷一五 四
贍隣女餉饑兒療痘疹不啻自爲計者家人沮之不爲衰止故人有緩急無不控於太安人者至督臧獲嚴局鏹煬泝泝醯醬酒漿一切身任之中外各秩秩得所貴賤食指斂手奉約束不聞譙訶聲及比部通籍家日劇太安人益以貶損爲瑱規訓比部母多逋負母淫酒比部至今佩其言比部隨牒得西安興平令念遠不能將母行太安人慨然曰爾業爲縣官用矣尚得爲王氏有邪趣之去太安人自謂健七箸無他虞亾何而以疾逝矣居

恒日具鮭菜無貳簋而以盡之賑卹脯贄間無勸色壺政廩廩不可情見而卽之温温如冬日久而不能去下能檢誨比部君爲名士而上有禪於封翁使逸老傳云筆路籃簞以啟山林太安人天所以啟王氏者非歟生嘉靖癸巳十月二十一日卒萬曆丁酉二月一日年六十有五以比部當塗最封太孺人丙午 覃恩加贈太安人舉六丈夫子一女長信次仕大醫院御醫俱先卒次傳以哭安人卒次偉會稽縣諸生次佑國子生次思任卽比

部君信娶胡氏先卒仕娶徐氏傳娶唐氏佑娶陳氏思任娶楊氏孫五人嘉禎先卒嘉祥順天府諸生嘉祚嘉葵曾孫一俱幼其窆在秦望山祖塋而余爲之銘曰
課子績文箴其闕子乃有成母先蹶翟冠流珠佩環玦有卅者旒與東發煌煌壘書賁巖穴神游虛空魄棲宅萬曆丙午歲十月余銘母藏永不滅

鴻臚寺序班雲江李公元配孺人沈氏墓志

銘

孺人故華亭鴻臚李公配也先是鴻臚娶劉生子曰承儒太學生孺人生子曰耆卿舉孝廉耆卿生五年鴻臚公歿葬縣龍子塋後十八年孺人卒卽以其冬啟鴻臚窆而窆焉迨今二十七載矣孝廉手翰編徐君光啟狀謁余爲志銘曰微先生之言無以耀諸幽余因孝廉稔知孺人曷辭按狀孺人沈姓其先升二者生秀秀生傳傳生瀾居華亭之貞谿以力田孝弟聞瀾生渭始業儒舉三子長伯甫令沅江次仲甫季甫並負雋聲仲甫則所稱石

湖處士者也處士生有奇氣放曠豪舉視世事無一當意者一爲博士弟子員輒棄去與故昌化令徐獻忠爲石交處士故博雅多藝酷嗜佳山水人稱爲謝客云配錢爲脩撰與謙公女孫孺人父母也錢夫人五女而孺人殿孺人生有夙慧稍長貌不矜而莊儼如成人諸姊無敢以褻見者會處士病顧錢夫人曰是兒非凡女也善爲擇婿錢夫人性嚴甚御下如束濕薪獨孺人在側則解顏孺人亦時時爲家人請多得寬貸者無何鼎族爭欲字

孺人錢夫人不許及笄始歸鴻臚公公先有一子二女孺人撫之不啻已出事其舅旦夕手滫瀡以進鴻臚喜曰俾父之安吾養者內助力也鴻臚故多姬媵孺人寬而逮下有小星風然厚自檢飭門內凜凜鴻臚益大喜以爲得孺人晚明年乙丑孝廉生又明年從公北上補序班扈從禁中以其間與賢豪長者游車結轍于門孺人瞿瞿手自辦具猶懼不當公意也無何莊皇帝御極公捧詔使三晉上谷遼陽間事竣攜孺人歸里往太學爲家

督錢穀多闌出公意不憚孺人爲緩頰曰財盡于
兒曹較爲臧獲所乾沒何如公意釋益賢孺人戊
辰鴻臚尊人卒痛骨立孺人慮公疾加劇調攝備
至疾轉篤公亟爲孝廉聘於殷且爲二子析箸孺
人逆知公意拭淚進曰公幸小愈母自疲長子幸
孝友吾子母不足慮也遂已明年公不祿孺人欲
以身殉者婁矣錢夫人諭曰死無益也無寧忍死
以需兒立於是強削哀事事而復有錢夫人之喪
孺人積勞與毀病日侵撫孝廉泣曰余得從汝父

遊何恨第苦汝幼耳乃總遺產分爲二籍一予太
學生一予孝廉婦翁待孝廉長而歸之橐中簪珥
裳衣盡鏹而畀之太學一日女醫自武林來視曰
孺人無苦也稍以手自踵至頂摩之頃卽扶杖起
越宿而霍然疾如脫女醫辭去忽不見先一日孺
人有異感滿室旃檀香迨去而微示曰余碣仙也
亦足異已明年孝廉就外傳英特異常見孺人色
始舒日與冢婦朱覽往牒陳說諸忠孝節義事以
微感孝廉若太學子某某如是者數年有以家計

動孺人者輒斥去曰未亾人知課孤以竟先志安問家人產耶當是時吳中賦役繁興中者千金之產立破壞太學為悍奴所給困重役而株連孝廉產中落會孝廉業成孺人督加嚴終不以家事使聞之奴復竄孝廉名役籍有司輒以役役孝廉而太學坐奴術中一切錢穀恣其出入奴子為華亭吏者守藏侵千金當論歿令知不能償乃分所侵吏親屬而太學與焉太學意不能平訕令令益憤竟以辜坐太學而吏顧得減歿論戍傾邑士大夫

為稱冤而卒莫能解者孺人日呼天泣念鴻臚公故長者何以得禍若此自此田宅一空祇以藉詰捕者而太學所挂漏且責負孝廉詬誶無休時孺人泣曰無家矣而復不保其身乎乃為孝廉授室從婦翁計徙就李居焉孝廉益下帷攻苦公車業日進孺人心儀其必亢宗也孺人故居重閣即家人罕窺其面一旦棲遲孤村與耕婦蠶女伍意殊怏怏子婦上食多却七箸不御間召孝廉勉之曰爾之為李氏子極難我忍歿於狼狽中者冀爾成

以謝地下不然何惜餘年又曰族望爾昌以爾能
庇族耳異日者母愛以一體眠之孝廉跪受教孺
人春秋四十覽揆之辰孝廉夫婦奉觴爲壽孺人
且却且泣曰我年行盡矣從此患中胃痛時作所
居絕遠城市孝廉皇皇醫禱間竟無應彌月而卒
孝廉哀慟嘔血幾不欲生越四年而籍就李補諸
生又六年復歸萃亭校試數冠其曹五年以文行
高第補成均丁酉登順天賢書孝廉他日可卜也
悲夫孺人遭李氏中挫以嫠婦而握家秉公私旁

午驕癡者坐蠹於中悍猾者嫁禍於外至無卓錫
之地而轉徙他邑不啻如綫之脉矣獨能以詩書
訓子鬱爲國器此何異古遷國圖存而肇基業於
來襖者哉則其儉勤操作厚自脩潔特緒餘耳孺
人生嘉靖癸卯九月六日歿萬曆壬午十月十日
享年四十者卿娶鉅野令殷公汝孝女葬之日墓
未有銘而余補其闕銘曰

謂天有知賢如孺人逢此百罹謂天無知孺人生
子特達魁奇如木之喬干霄聳秀雪虐風饕其材

乃就有螫必奮有沈必暉恢恢天道孰測其微我
爲銘詞與璧偕瘞萬載千秋佳城蒼蒼

贈孺人陳母孫氏墓志銘

孺人者浮梁陳封翁某之配令尹公時霖之母也
考曰某妣曰某氏孺人生某年某月某日卒某年
某月某日年四十有九某年某月某日葬於某山
之原初封翁卒何秩宗古林爲之銘乃孺人未有
述也至是令尹公排纘事行而屬子學憲君丐言
於余余於陳世德甚習其曷辭按狀孺人姓孫氏

家縣之到湖生鮮兄弟與一妹相依性卓穎端凝
精女紅言笑無苟少封翁七歲年二十來歸以不
逮事二人爲恨歲時蒸嘗瞿瞿手自辦具於族姻
長者禮甚恭娣姒甚和步不越閭卽家之人罕覲
其面者女流相聚必以貞而順爲瑱規家赤貧日
夜躬紡績自給封翁性嚴剛腸疾惡不能容人過
孺人輒微言諷之漸引於和平而止封翁常曰我
過切直而不罹禍者內助力也孺人數舉子不育
以伯氏子爲子子不安其所孺人泣而歸之三十

有四乃生令尹公公生而右足微跛足背面反不任步履蓋羸弱不支甚矣孺人疾疢中日夕垂涕而哺之封翁意不憚孺人解之曰得跛兒長年固勝無兒也越四年復舉一子令尹公五歲足疾差頓良於行孺人喜甚然終不能去母側九歲始就塾師家益蕭然孺人自摘精粟炊以餉塾師而獨食糠粃居恒衣取捨形而已家有大慶聚族而賀羣從相率出孺人止一敝縵袍兩袖郎當孺人芟而衣之以往無慚色儉歲至併日而食方舉箸聞

丐者號於門謂不食者三日矣孺人咲曰吾亦二日矣尚有三日者乎竟推與之自是令尹公日解學孺人亦屬望甚至嘗拊而泣曰汝父健可需兒成我不及見也令尹公館去家十餘里日以孺人病爲念依依不能去孺人恐其廢業拭淚而遣之間舉所涉辛苦狀歷歷告之子母對泣者達旦迨令尹就館甫三日而孺人以疾卒嗚呼痛哉當孺人孤貧單竭肘見腹枵豈意其後竟顯榮哉乃令尹公起家巖邑以王章逮親一再世而大綬爲

名督學大繡舉孝廉其興未艾也名爵顯軒縣繁
多賢斯所謂栽者培之非耶令尹公泣語綬曰吾
母艱苦備嘗以及有今日去之五十年而墓門之
石缺如也吾何以爲懷爾其謁於焦子當有以永
於幽者余乃勉爲之銘子二長卽時霖某縣知縣
娶某氏封孺人次某娶某氏孫幾人長大綬爲督
學君乙未進士娶某氏封 人次大繡舉人娶某
氏銘曰

百年甫半歸茲坐百年又半墓始銘生多

而榮子若孫兮世廉貞遯家風兮久彌清歲月長
兮德與并

亡室朱趙兩安人合葬墓志銘

余萬曆壬辰滿脩撰考蒙 覃恩考妣下逮二室
歿者贈存者封於是皆稱安人云朱安人行三者
儒朱公鼎女嘉靖辛酉來歸儷余者十有四歲生
子尊生選貢周舉人女二壻諸生楊楷梁子固萬
曆甲戌十一月二十日卒年三十有六趙安人行
二武舉趙公琦女乙亥冬爲余繼室相儷者三十

二歲生子潤生諸生孫綱女二壻諸生王鏡歐陽
擘卒丁未七月二十四日年五十有二余魏氏姊
負人倫鑒嘗曰兩安人爲人事舅姑其孝同多能
而易解見事本末其敏同黽勉有無一以勞自力
而奉夫子於學其勤苦同敝衣糲食竟其身無所
芬華其儉同戶屨常滿傾筐倒皮窮日夕不厭其
禮賢同顧一度勝一識勝一未學而耽儒術一無
疾而綜養生一亟於課子而寬於馭人一嫗煦於
子女而東濕於臧獲此爲異耳聞者以爲篤論始

朱安人至余赤貧苦無以養也安人曰子異日必
貴萬分一祿之弗逮如後悔何盡出奩中裝爲茸
毳資會太宜人善病厭藥餌喜禱祠歲輒四五舉
不繼則解釵釧營之有謂無益者安人曰吾親爲
一開顏其益大矣辛未冬太宜人痰疾劇隨余榻
前不解帶而侍者市歲每嗽至余兩人掖之呷少
茗汁乃安夜至數十起以爲常太宜人嘆曰兒忘
疲固也新婦將無過勞乎安人曰子婦以得事親
爲幸胡勞之知然太宜人竟不起安人哀毀甚亡

何亦以疾逝安人遺子女幼家大人日念之自選國中得趙安人而喜甫踰朞迎歸安人事家大人甚恭蚤暮候起居上食飲惟謹家大人春秋高矣當計偕余戀戀不能去家大人曰寧吾老者新婦也子無憂家大人年八十有二以微疾終安人奉湯藥亦如朱安人之於余母也凡時祀若先世及朱安人忌夙興治具一觴一七靡不出其手有中表以居間請安人峻拒之其人曰仕宦者類以厚其妻子耳若奚爲者安人咲曰尊富之爲厚爾所

知也窮約之爲厚非爾所知也魏氏姊甚賞其言嗟乎特立獨行之士杘鑿於世而旅泊自完者有之然必有婉婉淑姿相委順以忘其憂焉余非敢謂特立者也頃廢斥且衰死亡無日兩安人者皆不能待而棄余能無悲乎先是朱安人旣葬堪輿家謂非吉壤兒輩卜兆山南鄉之後莊以丁未十月十有二日奉兩安人柩而窆焉跽而請曰士大夫之配見於大人之文不少矣是獨可無銘余不忍應期且至乃掇其大略而掩諸幽銘曰

材則長算乃迫生莫識必同穴胡遺予獨旅泊情
在斯志幽宅

封安人翁室冷氏墓志銘

安人余友翁君汝遇之配也萬曆丁未翁君自東
筦令拜留都起曹摯安人暨兩子來踰二載是爲
巳酉歲五月十有九日而安人卒余往唁之自起
曹君而下皆哭之甚悲已得吉壤謀歸葬安人一
日詣余曰某之妻歸土有日矣願以不朽之托請
余閱而許之按君手次狀安人姓冷氏父某別號

龍山世仁和平安里人母盧氏數舉子女不育最
後得安人絕愛憐之顧善病不欲煩以女紅安人
乃日事女紅不輟家故饒而橐無衮服里婦之習
華侈者一見相顧曰使吾曹愧見綺縠矣是時起
曹父封公與龍山公善以其乏嗣念之甚龍山公
因請館起曹君於家而婚焉安人年甫十七耳安
人敏練知大體日餽問舅姑身往來兩家不絕踰
歲封公卒亡何母盧孺人卒周來繼數年龍山公
亦卒三喪相繼安人銜感而庀喪葬事事中于禮

念冷氏不可無祀謀于周孺人擇仲弟世茂子之
周孺人歿且十五年安人鞠之如一日然迨壯而
授室舉子得延龍山之一綫者安人力也起曹君
讀書不問家家悉付安人手能力任之而寬其志
于學已卯君成鄉薦久之始舉進士困公車者屢
矣安人治脯瀹漿粥必腆甚則躬耕繅紵而佐之
不欲見匱爲君憂也戊戌隨君之東筦每退食手
更其衣爲造美飲食以勞間問曰日所平反幾何
寃而獲雪困而獲濟者幾何諸剖讞興革往往參

爲决筴自是起曹君治行卓卓名嶺表矣居恒無
美衣媮食之奉稍有奇羨輒推以振乏宗黨媼戚
靡弗霑潤者于兩子所爲策勵甚至閨闈之間斬
斬如也以故兩子益感奮爲制舉業有聲相知者
期旦夕驚人之鳴而安人不能待矣嗟乎安人女
也而代子之職婦也而相夫之學母也而兼父之
教不謂之賢不可也距生嘉靖丙辰五月五日享
年五十有四兩子長佑之國子生娶憲副包公應
登女繼楊公廷筠女次開之娶孝廉錢公養庶女

女一適諸生何浩孫男三與立與燦佑之出與嘉
開之出前是安人之貤封 制詞甚媿業與日月
爲昭矣夫 王言賁于上而余辭于下庶幾慰安
人于九原銘曰

武林之側有山嶂如其疇歸此斧如堂如湖有時
桑陸有時洋神呵鬼護哲媛之藏過者見之有式
必起眎此銘詩千載無毀

昭武將軍徐公元配淑人鄭氏墓志銘

都尉徐君應高雅以孝行聞頃奉 簡命督漕北

行役甫竣心動亟奔歸則母鄭淑人病矣君籲天
請身代不得旬浹爲萬曆庚戌五月之十日而淑
人歿君擗踊無已時唁者曰君歸自數千里得眠
飯舍呼臯某復也謂非孝感不可勉起襄大事胡
過慟爲君乃拭淚調棺斂卜以是月二十有三日
啟考筠谷公之窆而合焉於是手張參岳狀謁不
佞志其葬甚矣君之不忍泯泯於母也淑人之父
曰武德將軍南松公與君父昭武公同官相慕悅
聞淑人賢屬筠谷公妻禽焉淑人始至謁舅昭武

公與姑周太孺人也脩其儀而進之雍容如也小
間問安否薦湯粥滌滌惟謹兩尊人輒大喜曰吾
家得賢婦矣久之太淑人老且疾在牀第者二十
年筠谷公小出輒懷內顧憂淑人曰我獨不能代
公職人子耶昕夕不櫛沐而侍所以寬太淑人于
疾者萬方蓋彌年不一解帶也筠谷公瑩精其職
不問家人產淑人乃約束家衆嚴扃鑄治饗餐秩
秩得其所筠谷公竟老無家指累至於脯飽酒漿
供賓客過從亡弗給者筠谷公有弟三人幼甚淑

人一一爲娶婦俾有立仲若季皆早世遺孤五人
淑人拊之均于已出同居五十載無間言人尤以
爲難生二子甫任讀爲擇通文武家言者訓之而
身爲內傳夜分一燈熒然曰吾女紅孰與若書誦
多也以故二子俱業成長起家武舉治軍衛有賢
聲今爲上江運糧把總次亦兩舉鄉試用淑人教
也距生嘉靖乙未三月二十有一日享年七十有
六子長卽應高娶紀氏繼李氏沈氏次應登娶張
氏女二指揮湯執中王蔭德其壻也孫三師鉉高

出師敏師爽登出孫女四皆高出墓在觀音山西麓負乙向辛銘曰
共而舅姑以佐而夫拊而子姓追於猶子之呱呱蓋再世而爲德於徐宜其身可逝而名不與之俱徂也於戲

貴州按察司按察使熙臺劉公元配淑人錢氏墓志銘

鹽官之錢至明其著者臨江守諱琦始興其家有子永州守諱芹儀部郎諱萱從子太常卿諱薇先

後舉進士爲時聞人永州寔產淑人以配於劉氏劉在明其著者贈監察御史諱鳳鳳之子贈監察御史諱顯顯之孫贈威縣令諱滂滂之子工部營繕司主事諱木世濟清德達於邦家實生方伯爓以配淑人嗚呼盛已淑人生十七來歸儷方伯公四十有九載尊章在堂諸理蝟集淑人色養備至彌縫無闕故方伯公居而刳心於流略出而僇力於事業學靡曠時舉無秕政子愛流於郡邑綜練表於省署迨遞長藩臬旬宣肅給咸擅其能當是

時公之宦蹟聞天下實淑人之助焉居恒動由順正室靡間言用寬和博愛之道以逮下用冲退弘敏之志以誠子每歲時上壽羣從子姓動數十人未嘗不借以溫顏施其善誘彬彬焉詵詵焉卽劉氏門興七業泰瑛教流三世不足多也昔雞鳴小星采蘋葛覃諸詩人處一焉而聲施至今淑人孝以承親禮能範俗中佐夫子晚垂母儀舉詩人所稱蓋侷兼之可不謂難哉生嘉靖乙酉二月十有四日卒萬曆庚寅九月二十有六日享年六十有

六始方伯南工部績最封安人尋以子世埏貴晉今封云子五長卽埏舉進士南京刑部河南司主事世坊太學生竝前卒世教舉人淑人出世甄太學生側室史出世穆崔出殤孫七祖鐘祖錫祖鐸祖銻祖錕祖鑑祖銘曾孫五蒙滄蒙瀆蒙濬蒙滄蒙濬女五女孫四曾女孫三婚嫁皆名族前是癸卯正月之望葬城西南珠浦阡而墓石未備世教與余爲文字交間過金陵屬補其闕輒不辭而論次之以紀於茲石銘曰

錢為越裔劉迺漢宗崇其婚媾望族以雙孝感厥
姑易巖而慈從夫子貴象服具宜譏坊謹誌廩廩
自躬果歲絲臬畢取諸宮化理迺宣聲寔顯灼
天子嘉之紫綬若若惟昔鍾婦京陵羽儀亦有楊
媛三世母師婉婉淑人與古為儔生榮歿哀歸此
樂丘珠浦之原九九松栢后有來者式是嬪則

廣西全州同知金公元配汪孺人墓志銘

孺人海陽金州丞子公配也以萬曆戊申九月二
十有七日終於正寢距生嘉靖戊子三月二十有

六日享年八十有一子有鎔等將以某年某月某
日葬孺人某山之原而以幣若狀貽余曰先君子
之墓先生業志而銘之敢更以母氏為先生累余
稔聞孺人賢是其可辭按狀孺人姓汪氏系出石
田望族父冠英公娶于朱而生孺人孺人生有貴
徵父母奇愛之迨字而難其人時州丞雖少業以
孝友為通人所賞識汪公曰此真吾壻也而亟委
禽焉二十來歸孺人於內政顧多曉暢晨夕候問
舅姑安否退而理中庖治甘毳滫瀡以至井臼麤

繼靡不秩秩得所者舅氏治家嚴孺人雅能先其指執子婦禮惟謹蓋如千年無迕色會姑許未疾孺人爲調湯藥拭拭盥櫛扶抱抑搔必親之不解帶而侍者旬月疾已乃復姑嘗嘆曰吾何以報孝婦願婦之婦如婦足矣州丞有兄而賢州丞之莊其兄猶之子也則孺人於妯江亦猶之婦也是時金氏閨門雍睦之風天下莫不聞前是歸州丞四年所輒曰君不可以少而忘宗之大計卽爲置媵四人遠而維揚鳩茲無不置者媵姪而弗育孺人

爲憂見於色及子生慮母弱弗任養也遴里媪往飼之愛諸子女均於已出不曰吾子嫡也女字余侍御子某雷侍御內召爲子親迎亟州丞以奩未易辦難之孺人曰我有簪珥篋之三十年矣發之金珠粲然遂以畀焉不曰非我出而靳也州丞以騰驤最恩飾冠帔珮琚畀孺人服而廟見一再御輒藏去居平淡泊自奉而於祭未嘗不腆倉庾之積陳陳相因州丞歲時推以賑乏以至寺宇橋道無弗飭也宗黨姻戚無弗霑潤也孺人所從史

居多御臧獲嚴而恤米鹽絲縷手爲經畫晚乃任
諸婦而總其綱其於蠶績老而不廢子婦勸止之
則曰吾自安之不爲疲也嗚呼賢已子四有鎔國
子生娶胡益實女孺人出有華國子生娶朱光晟
女有蕃聽選兵馬娶朱燁女有馥娶孝廉正泗論
女女二適諸生余鳴雷次適許時高並側室出孫
男七洵湜符鰲載求官洵郡諸生婚聘皆名族孫
女六曾孫男三達邇遇曾孫女六夫孺人置貳於
中年非難而能置貳於少年始婚之時則爲難能

愛庶子於小弱非難而能竟其身無少異則爲難
士大夫一登廟堂見賢於已者萬方擠之不去不
已以彼具須眉稱詩禮者乃一婦女之不若可羞
也余爲之銘微獨旌孺人而已銘曰
詩詠螽斯詵詵振振疇能異世踵此後塵有美哲
媛具宜福履等仁鳴鳩以母衆子 帝嘉若德出
書在朝有賁其章象軸錦囊娟嫉繁興人惡其上
何以風之女也不爽松檟鬱鬱眠彼崇岡不騫不
阡千秋永藏

江母鍾孺人墓志銘

仁和江孝廉塗者余闈中所遴士也母夫人鍾氏萬曆己酉十月十有五日終於正寢孝廉將以某年某月某日啓其父學山公之窆而合焉手自爲狀謁余爲志銘按狀母爲封崇安知縣賓竹鍾公女髫髻時母賈孺人病劇卽能代之家父撫其頂曰女邪不者當大吾門年十七歸學山公公貧不能出事師則約結三五執友爲社而母佐之酒炙諸公歡然不知其寒士矣母乃自茹牛菽至併日

而食者有之然絕不令鍾公知也己學山公教授里中束脩稍益進而母陰力嗇其間時推少羸什一而息之用以不乏先是公幼孤育於庶伯兄母內自傷無尊嫜可奉也則事伯兄如舅屬伯姒心疾以舉火戲母輒踊身掖出之方煙燄中有撲滅其火者已行求其人亡所見矣仲落拓廢著公切諫不悅恒無故而詈詈且十年所母若弗聞也顧詈已旋貸貸已復詈徃徃曲應之不倦於是計其需昕夕給之比卒則爲調棺斂以葬所遺子若女

恤之猶子也伯兄無嗣又家赤貧母不難以仲子
歷後之語之曰伯父嘗字若父矣所不事伯父如
父者如若父何於是歷忘非伯兄出伯兄亦忘歷
之非已出也所以相學山公德者皆此類當是時
伯子金仲子歷皆以學山公爲師相繼補弟子員
而公且五十不售母諷之率子鏊治產積居母從
中徵貴賤如指掌家用益饒於是鏊及季子鋈皆
得資脯贄就外傳篤學自勵時人語曰兩兒師父
兩兒師母蓋是時伯子以丙子歲舉於鄉矣母誠

之曰若先世文昭公以正直著亶爰公以文章著
侍郎督學祠部郡守諸公皆以醇謹著爾其勉之
已而伯子病滯下卒母甚痛之而不忍以哀見學
山公也所爲寬譬之備至逾年學山公病滯亦卒
母撫孤泣曰我不及而之立也則何辭以復地下
久之鏊舉順天鄉試歷鋈爲太學生蓋江自文昭
公而下纓綉蟬綿者六葉至是且復振而母不能
待矣悲哉距生嘉靖辛卯七月二十九日得年七
十有九男子五人金鏊鏊鏊鋈女子一人許聘太

學胡文煥煥父垂歿以子屬公公辭母勸公經紀之曰此吾女藉也亡何女卒卽舉以還之一錢尺帛皆有籍記蓋錙銖無爽云孫男十二人之源之滙金出之濱之澧之渙之津之洋之澣歷出洋爲鏊後之淮之浙之漢濠出之浩裂出孫女八人曾孫男十三人諸子孫雖析箸而母誨諸孫無異其子字諸孫婦無異其諸婦居恒以孝弟敦睦訓焉江氏閨門雍睦之風所漸被於母者豈微也哉墓在某山之原而余與爲銘其詞曰

材大可梁小可掬如千里步始騰蹕胡然委之迈冥漠有崇者丘突嶽嶽坎而藏之維楚璞鬼神呵護顏益拓于萬斯年光且灼

陳孺人墓碣銘

孺人華秘書芝臺君之副室也秘書爲學士鴻山公次子與兄太學洞菴弟客部玄谷並以文學著一時始秘書客部皆艱子孺人爲秘書生二子師周師召師周二子曰郁曰都師召四子曰繹曰緯曰綺曰繡孺人以萬曆戊申五月二日卒則師周

業先逝而師召且出後客部君矣念郁若都甚幼無以庀葬事乃手狀孺人行而以書屬余曰先秘書之集辱先生爲序行於世矣以吾母而獲一言以賁諸幽孤之幸也所不敢望也讀其狀甚悲而文許之銘按狀孺人陳姓父輔母陸世農家江陰金鳳鄉人與嫡夏孺人爲同里初夏欲爲秘書君置貳歸而謀之父乃聘陳氏女攜之歸歸而端靜婉婉不妄語笑於秘書夫婦間小心奉約束惟謹閩以內無不安孺人者年二十一女生時貴家鮮

自乳者孺人曰子不自乳使人棄其子而乳之吾不安其卓見如此閱三載孳生二子卽師周師召云學士乃服御賜麒麟衣玉帶坐寢堂以金釧勞孺人喜可知也孺人恐失夏孺人意斂避眠常日有加時馮顧二大母見孺人生子咸禮遇之孺人得以間起居二母然終夏之世命之食不敢食命之坐不敢坐也居恒菲衣糲食過自貶損凌晨卽盥櫛米鹽蠶盎弔慶酒餉以至燕享粢盛靡不畢飭見者嘖嘖稱夏孺人才不知爲孺人力也夏

孺人連嫁四女寸絲尺帛必出孺人手率前期而辦至嫁蔣氏女則稟命夏孺人壹意減損夏孺人不許乃止先是二子生甫三日學士偕客部各抱其一育馮太母室師召年十一輒出爲客部君後顧安人泣謂孺人曰汝一人承兩家宗祧可謂華氏之功人已孺人謝不敢當二子年十四同補邑諸生以青衿拜堂下孺人固却之不肯受迨夏孺人卒京邸秘書以遼陽使歸命孺人曰可以備母儀矣孺人終念夏孺人不遽承也久之二子各舉

子秘書曰此呱呱者非若孫耶固守若志何以臨卑幼示左右也乃稍稍具母子禮大抵終秘書世未嘗顯以配自處也爲人後者無論已終伯子之世未嘗盡以母自居也當孺人驟舉二子或勸之曷稍自奉明得意孺人曰吾幸有子今分享二父之業踰溢多矣倘不自節縮如造物忌何故自壯迨老無所芬華居恒愿而善藏退然不見詞色卽多所裨贊親疎遠近人人自以爲得也而莫知功孺人者其閭閻不自標幟類此嗚呼孺人之識遠

矣歲戊申孺人臥疾度不能起謂師召曰吾齒較
汝嫡母羸十年較汝父亦羸其二死復何憾所不
能割者寡媳孤孫耳稽出納慎局鑰汝悉心肩之
母分爾我吾目瞑矣先是夏孺人次女孀而歸孺
人妹畜之病中同蔣氏女奉湯藥者市三月旣革
與兩人訣曰吾無以酬若奈何出澣衣遺簪分授
婦女蕭然無一長物也距生嘉靖丙午十二月二
十五日享年六十有三師周娶周氏禮部尚書文
恪公女師召娶韓氏廣西按察司副使凝宇公女

女一適姑蘇國子生蔣一駿高州太守雲崖公子
孫男六孫女五婚娉皆名族銘曰

江汜小星載諸二南勤而無怨惟命之安婉婉孺
人秘書之助安意處卑以永家譽其承有子天寔
篤之繁祉鼎來鬱鬱孫枝山迴水縈鴨城之原維
仲薦美列詞墓門

焦氏澹園續集卷十五 終

人蘇書之也... 正欽... 高州太守... 雲里公子

焦氏澹園續集卷之十六目錄

行狀

封通議大夫兵部右侍郎兼都察院右僉都

御史埜泉楊公行狀

戶部右侍郎總督倉場一川游公行狀

徵仕郎中書舍人新宇吳君行狀

吳晉行狀

一川翁公行狀

公行狀

大夫兵部右侍郎兼都察院右僉都

園齋集卷之十六 目錄

焦氏澹園續集卷之十六

行狀

封通議大夫兵部右侍郎兼都察院右僉都
御史埜泉楊公行狀

西蜀楊公以少司馬填粵武緯文經華夷胥服

上方倚為長城云亡何封翁訃至公雪涕疏聞於

朝 上震悼賜之祭葬已念公伐鬱然特加祭一

壇時司空繕坐秩宗庀祀恩至渥已公奔歸以某

年某月某日葬翁某山之原將以志銘謁當代之

作者而屬余小子布狀余雅辱公知厚誼不可辭
封翁諱時進字從之別號埜泉其先自武昌而徙
重慶者曰天池爲公始祖卽龍臺坊家焉天池生
貴貴生昱昱生應春應和應和以篤行稱生贈少
司馬公泰公富而好禮鄉人推其長者舉丈夫子
三翁其季也少敏慧有至性父母特愛之授經里
中師通大指坐母張淑人早世奪於養不克竟業
於是棄去以孝弟力田起家事贈公所爲奉養者
百方迨父母下世久而公且篤老矣遇諱日未嘗

不涕覆面也嗜古先生之教以不貪不殺爲戒蓋
翁旣矩修而慈祥喜施又與其說懸合中表有緩
急徃徃取諸翁如寄緇黃徃來郡中靡不以翁爲
歸境內梵宇琳宮圮當葺者像設未具者歲費至
不可縷數爲人逡逡退讓人有犯一不與校於是
里閭族黨間人人以爲親已而於儒家者流尤禮
接之不勸與其配相莊至老子孫有微過戒諭切
至不易譙訶雖臧獲亦然入翁里門子姓昆弟雖
雖如也肅肅如也僮僕訢訢如也惟謹仲兄晚貧

子納婦不能具六禮傾囊赴之無靳異母弟及兩
舅少孤拊而授之室令有成立出見卽禽者漁者
有所挾必購而生之嘗就養鄞邸見餽生蟹者翁
蹙額曰奈何以口腹戕物命哉令亟舍之於郡守
相縣令無所干請鄉飲聘爲大賓一往輒謝去數
討諸子孫而訓之曰富不期驕貴不期侈戒之哉
其母以純袴貽鄉里羞又日討其僮僕而訓之曰
吁寧人負我無我負人戒之哉其母側目於我州
里一日莊丁與人鬪忿而自殺其屬以誣鬪者翁

弗知也鬪者懇奉數十金請翁謝翁跡其事知莊
丁自殺也答若屬而還鬪者金王某者以其產質
於翁貧而無以贖也翁憐之立折其券不責償月
旦高之樹碣北鎮以風會司馬公在滇亦郤土舍
木青千金餽有司榜其閭曰世廉里人豔之翁持
家秉嚴甚狄淑人春秋高矣族之子姓亦無敢頻
見者而教子司馬公則務以寬劑法而行己亥移
鎮粵西歸省覲翁曰天子以鈇鉞畀汝爲西
南障耳人有不及無輕用軍興法每歲家僮往還

輒屬曰驛傳疲甚矣勿苛索以滋吾過司馬公聞之感泣愈自奮政績上櫛下沐澤與法浹卒爲名卿大夫以此翁素強少疾晚而視聽食履不衰交遊過從醺酣淋漓間以諧謔見者以爲百歲不啻也歲丙午秋仲覺體稍不懌冬孟朔拜少司馬恩命猶舉手加額以謝九日倏曰予欲西行見佛耳一言不及他至十三日左脇臥而逝距生嘉靖戊子六月十一日享年八十翁始封鄞縣令五命而至通議大夫兵部右侍郎兼都察院右僉都御

史貴重矣配狄氏累封淑人子男三長卽司馬公芳配蘇氏封淑人次芬指揮僉事配曹氏次喬郡諸生配盛氏方氏女二長適平利縣知縣李公應華子繼善次適兵部尚書張公佳胤子叔環孫男八士修士偉芳出土佩芬出土佶士儀士价士俶士任喬出曾孫男三萊孫文孫慶孫孫女二曾孫女五婚嫁皆名族嗚呼翁起布衣累膺朝命壽登八袞子爲巨公語海內全福疇能踰者夫釋氏雖出異域而清淨無欲之言慈悲善救之旨卽日用

人倫間亦足以默存其教而積善召祥之福動於
人事孚乎神理非偶然也翁皈心釋部謹禮而惇
誼卒之行於闐闐而名徹於宸扆修之幽潛而
精感乎天地西方之說何嘗無助於世教顧欲區
區以非正法擯之曷觀翁之平生而有寤乎余不
敏爰述其崖略爲狀俟操如椽之筆者采擇焉

戶部右侍郎總督倉場一川游公行狀

萬曆戊申歲七月七日總督倉場戶部右侍郎一
川游公卒於位部尚書以訃聞上震悼下所司

議所爲飾終者於是吏禮工三部褒揚公材德政
術甚具且夕營兆使者且至公之子元潤等伐石
以俟巨公之志若銘而屬余爲行狀以備采擇余
於公誼甚習其曷辭公游姓諱應乾字順之別號
一川先世居青州至南唐侍御讐者避五季亂卜
居婺源之濟溪遂家焉傳二十二世曰慎獨翁恕
者以力學著名生芷同公芷同公生贈正議大夫
濟生公公父也世業耕織與人讓臨財廉里中有
溪水涉者病之捐貲造輿梁人稱爲新橋壯未舉

子年四十六配贈夫人葉氏始舉公迨八十見公成進士兩膺恩命人謂爲善之報云公生而明慧端重讀書自旦至丙夜不休髫年喪母哀毀骨立於繼母汪昕夕事惟謹贈翁爲益歡弱冠遊郡庠族兄讓溪中丞課子弟孰得其文大奇之曰他日必爲國器辛酉舉鄉試乙丑舉進士授戶部主事督糧通州念父老請改南便養是時南中適有刑曹缺當事欲少需之公慨然曰烏倦不擇木而栖親老不擇祿而仕吾復奚待爲遂改南比部浙江

司主事至則參伍情法兩造者咸搏頰稱快以去尋晉其部郎中一歲所而以汪夫人憂歸已贈公亦捐館舍治喪以孝聞讀禮之暇編次律例備檢閱間從中丞公講業而已公府之跡可數也服闋復除南比部郎公益明習法家言爲司寇翁公所器重凡疑獄必咨于公聲譽日著丁丑出守寧波寧波浙劇郡每晨朝奏牘盈几士大夫過從納謁踵相接公處之沛然不見聲色而理絀抑舞文吏至無所厝手摘其尤若王天祿楊惟正等寘之法

乃其於單赤溫然如恐傷之也嘗浚陂池通水利
隨刊圖說以垂後其爲民計長遠皆此類以其間
按閱諸生與講經術一時王邵楊薛諸太史皆公
所識拔人多其鑿臺使者覈公治辦狀薦牘以二
十數會江陵盡毀天下書院江以南靡然從之寧
波獨存江陵銜之甚又傳御史應禎以言謫戍定
海公獨優遇之江陵滋怒乃量移兩浙鹽運使以
殿之公念鹽筴利藪易涅也又事關桑梓多掣肘
斤斤出納亡以絲髮干者大猾皆不敢舞利爲乾

沒齷政一清刊兩浙行鹽事宜著爲繫令巳卯壬
午乙酉三入棘居齷司以六載最恩逮三世矣丙
戌晉廣西左叅政分守桂平一切冗費多所裁削
隄防整暇華夷安堵又以其餘力浚故河通鹽利
民用永賴巳丑晉雲南按察使平巨賊丁改有功
與賜金幣壬辰轉廣東右布政使方攝篆島夷以
千艘至公鼓舞吏士晝夜睥睨間無懈而制府以
餉事屬公咄嗟而辦甲午轉左值歲侵民益困公
大發庾食饑者而至膠序弟子則損月俸爲膏油

費時時羣之棘院而督課之粵士蒸蒸向風矣任
滿守藏吏以奇羨進公愕然麾貯公帑歷滇粵三
入棘考三品最贈封王父母父母皆如其秩戊戌
擢南太常寺卿 勅建天妃宮久壞公修葺之復
其侵疆廟貌煥然且覈舊寄戶帑三百餘金不以
閒職而自墮廢也已亥陞南大理卿公以比部起
家故迎刃而解獄無滯繫囹圄幾空滿考給 綸
命如令甲蔭一孫入監繼攝南戶部并糧儲篆甲
辰總督倉場缺晉戶部右侍郎蒞其事公歎曰使

我得先十年者庶幾可自効上書力辭不許國儲
故稱繁劇公綜理精密諸出入必躬爲會計先後
條陳四十餘疏一一著令甲倉後善盜設策掩捕
之害遂除京倉監督舊無印特疏請給關防杜詐
僞倉政肅然每歲給邊儲酌改折獎戒文武將吏
無不人人心折也乙巳冬以三品兩考加勲資治
尹正議大夫再疏乞休 溫旨慰留朝議以公任
劇資深延推戶工二部尚書凡十餘上未報戊申
春運完五疏乞休又蒙慰留會新運踵至力疾視

事六月十六日祀太倉疾作輿歸自是病篤日嘔
血數升猶強坐中堂收文牒口授手畫或止之曰
國計曷可一日廢入秋病益甚呻吟牀褥間所言
無非儲侍事不及其私疾革諸孤環泣第曰吾重
負 國恩無以報再詢之則曰吾何言汝曹強爲
善而已遂歿公少以坎壈奮迨貴且老矣食無重
味衣數浣濯終身不改居鄉不勅爲德如置宗田
定祭器崇節烈設義倉以至建橋甃路諸義舉比
比貧交疏昆弟有所乏予之穀已予之田靡不飽

所欲而去前是中丞創學舍爲會公割俸再葺之
歲課子弟厚爲獎掖族中數十年舉於鄉者十三
人登進士者五人厠庠序且百餘人彬彬盛已歷
十四任拮据四十年所至多望郡沃藩最後操泉
穀大柄乃慎出納稽章程亡論亡所染指卽左右
姦黠逆自斂以故在所生祠碑碣述治狀非一必
以廉爲稱首而公實寬大無城府遇之溫如冬日
然卒之日公卿大夫以迨氓隸齋嗟涕洟者不啻
萬人櫬南旋糧艘將卒輩無不望鷓首而泣公之

感人深矣距生嘉靖辛卯七月十七日享年七十
有八配江氏贈夫人繼汪氏張氏汪氏汪累贈淑
人張封淑人贈夫人子元潤娶汪氏元沐太學生
娶汪氏繼娶程氏元沐丁酉舉人卒娶韓氏元涇
太學生娶余氏繼娶江氏元瀚太學生卒娶余氏
元淮太學生卒娶汪氏女一適太學生黃嘉璘孫
十人文植官生文桓文柟文松文柯文棖皆太學
生文梯文榕文科文櫻文栲幼女孫六人男孫一
人所著有五經約義讀律真詮聚順家規左粹奏

議文集若干卷藏于家嗟乎仕爲畏塗於此能自
完者尠矣公由守令而藩臬而卿寺迨爲司農握
利權尊顯矣然平生負勢者不能詘工讒者不能
間蓋嘉隆至今未有履順居正聲實金泰竟其身
無訾議如公者也余夙稔公長者又質之鄉評參
之家乘爲撮其崖略如此若夫斧之藻之以光寵
容垂史策則有立言者之椽筆在謹狀

徵仕郎中書舍人新宇吳君行狀

萬曆丙午六月五日新宇吳君以疾終于正寢越

三載已酉孤翔鳳等謀以六月某日奉其柩厝於
西山之長原將丐銘於立言者而以布狀委余惟
君伯兄亦魯與余同舉於鄉因稔君行誼而重以
汪君仲嘉之言是其可辭君諱希元字汝明新宇
其別號也吳自延陵起江表世有聞人唐御史少
微公以論著顯則新安之鼻祖也數傳至光公自
海陽鳳凰山遷溪南又幾世而爲東園公東園公
釋農而事賈曰農食入口苦不足學賈卽千指可
也吾學賈矣東園公有子三人季曰見南公見南

公娶汪氏而舉君兒時不愛綺麗而嗜書與羣兒
伍舉止嶽嶽見南公奇之曰是兒他日必亢吾宗
旣就傳警敏善學有成人之度年十二居母喪毀
擗踰禮王母戴孺人撫其背泣曰若獨子也乃毀
而滅性不重爲若父憂耶君卽知自抑以安父心
亡何父再娶於汪君事之如所生萬有一幾微見
於色必齋栗夔夔伺其色解而止以故母氏亦視
之如屬毛離裏然蓋君之孝感深矣居恒循循謹
飭見夸毘子踧踏若將免焉其居鄉若遊成均每

傾心交其賢者而不侵然諾君名不脛而馳以此
性無他嗜好獨嗜古法書名畫彝鼎瑚簋之屬閒
居埽地焚香與客摩娑鑒賞以自適門無俗士之
轍也晨昏侍親側以共養篤謹聞無惰容無遠遊
惟歲大比一赴金陵所至疏食濁醪財取自給往
來三十載逆旅人無知爲素封家者見南公老而
君爲家督事小大皆以屬君君竭心力任之諸如
城邑城建家祠除道成梁賑窮濟乏百凡惟親意
之嚮當是時見南公聲稱振於黃山白岳間矣見

南公歿而君當室兢兢奉祖父矩矱不敢以意更
一人變一法客間以爲言君厲色曰古稱無改父
道者謂何客慚而退歲己亥 朝廷營三殿庀材
鳩工公卿而下咸捐俸稍輸之公君伏 闕獻萬
金佐將作費 天子嘉其義優詔特授 文華殿
中書舍人君耻以貲進遲回里巷者三年鄉縉紳
先生咸謂臣無衡 命禮也相與勸駕君強起之
官會 覃恩得進階徵仕郎 贈父見南公如其
官母與配俱孺人制詞褒揚備至君歎曰始吾以

先人志志地下未受一命之旌故勉而就此今於願足矣嘗聞之客不止車生耳吾何以久去先人丘壟爲卽扶服上疏請告歸歸稍稍葺室廬畢先志暇則鍵關謝客日取所藏圖籍與同好縱觀之卷舒把玩指摘疵類以爲常歲序招集親賓文酒相讌油油然暢乃散去久之疾作閱三歲益委頓不支呼諸子前命之曰吾祖父積穢以有今日若等無忘共儉纘祖德吾目瞑矣遂卒距生嘉靖辛亥八月三十日享年五十有六君累高貴身食一

肉脫粟飯衣縵無文治宅第務爲堅朴不欲以華侈相豪斤斤然擇地而蹈不矜廉不背德聞人過失輒掩耳避之以緩急來歸咸得所欲去姊適程氏而寡贍之終身念汪氏甥貧歲賙之不倦或稱之君遜謝而已未嘗有德色也常言吾不爲福先不爲禍始迹其所造蓋逡逡仁讓君子非歟配汪孺人故於潛令女孫饒令德能佐君色養白首相莊無間云子六長起鳳娶程孝廉女卒次卽翔鳳娶太學汪一涓女繼參軍程秉衡女次雲鳳娶太

學汪待賓女次庭鳳娶鮑大本女繼程亞卿女次
家鳳娶太學汪居常女次友鳳娶太學汪世用女
皆國子生女五汪見龍太學殷雲翼太學汪爾松
邑文學汪元義程家漢其壻也孫三人長觀德庭
鳳出玄臬玄錫友鳳出古之爲德者百里誦義千
里誦聲殆中有所豔而然也君富而能約儉而好
施而顧善自匿又名在仕隱間才諳行誼世或未
盡覩然望而知其爲端人長者吁可銘已翔鳳草
君事甚具余徵之仲嘉而信乃銓敘如右以俟采

擇

澹園續集卷十七目錄

哀辭

王太史哀辭

焦氏澹園續集卷十六終

鳳世玄泉玄錫友鳳出古之為德者百里誦義千
里誦聲殆中有所豔而然也君富而能約儉而好
施而顧善自置又名在仕隱間才譔行誼世或未
盡覩然望而知其為端人長者吁可銘已翔鳳草
對事甚具余徵之仲嘉而信乃詮敘如右以俟采

焦氏澹園續集卷十七目錄

哀辭

王太史哀辭

並序

治經

海內

十

王太史哀輓

哀輓

澹園續集卷十七目錄

焦氏澹園續集卷之十七

哀詞

王辰玉太史哀辭 並序

太史字辰玉吾師荆石先生冢嗣孝於親信於友
治經術甚精而文戊子秋首舉京師其制義傳播
海內如鳳采星輝人人快覩皆曰我師之能成其
子如此也又曰君之克肖如此也亡何言者計君
以元老之子登上第可借以立聲名攫貴富遂出
力攻之君置不與辯逡巡引退者數年迨師罷相

家居乃就禮部兩試皆第二人授史職遠近大悅
服君念師老復引退久之以疾聞會 上虛首揆
席起師於家師以君疾不能舍去君無所爲計至
爲文禱於神纏纏千言余得而讀之知君志在天
下真切遠大絕非僅僅自營者可及藉令行君之
志其功業可勝道哉而卒以天歿嗚呼悲已君文
甚奇而不免中於讒才甚豐而不獲大其施孝甚
篤而不能竟其養况其度淵然其貌冲然譬之萬
斛之舟未實一二也而乃止是邪始君種學績行

慕而效之者半天下至今學士大夫蓋人知其名
家有其書也而畸於人復畸於天余不知其解矣
余辱師特達之知而未一接君然知家庭議論間
意常在余也嗚呼已矣爰作哀辭以抒余悲并告
吾師而稍解其意云

維今儒館並世英奇翹翹東箭藹藹南圭惟君韞
秀靡施不宜羣言競出爭見其能君文獨邁炳蔚
醇深絕去刀尺星輝日晶他人磨礪各出圭角君
度汪然不見其樸如萬頃陂其疇能度學窮流略

行埒淵騫孤風霞舉逸翮鵬搏雲間日下誰能比
肩雖暫卷懷國謀是負樂善下賢不啻其口如居
朝廷而有責守以斯器業孰謂不酬羽翼王路潤
色帝猶韋玄楊秉異代同謀道乃光華疾成沈痼
玉毀蘭枯松摧桂蠹哀哀下泉長寐不寤嗚呼哀
哉人忌其上入朝則排論定乃公雖仇謂材非情
之殊勢則然哉讒鋒甫戢譽問琅琅如何夫子今
也則亡人情不美天亦茫茫膏明乃然醴甘必竭
數之乘除於君奚擇惟其永存德音不易嗚呼哀
哉來無所從去復何適舟行弛維月盈掩魄如旅
得歸沿搖本宅達人一盼眴之儻然况留其餘以
待後賢無以慰君聊爲此言嗚呼哀哉

祭王倚山文

祭漆清軒文

祭王倚山文

祭王倚山文

祭王倚山文

焦氏澹園續集卷十七 終

焦氏澹園續集卷十八目錄
祭文
祭少司馬耿公文
祭王倚山文
祭漆清軒文
祭程別駕文
祭余封君文
祭汪孺人文
祭陶司成文

焦氏澹園續集卷十八目錄

祭文

祭少司馬耿公文

祭王倚山文

祭漆清軒文

祭程別駕文

祭余封君文

祭汪孺人文

祭陶司成文

祭王荆翁殿學文

祭高別駕文

祝文

名宦祠祝文

鄉賢祠祝文

衡府紀善周公祝文

鄭介夫先生祠祝文

黃侍中祠祝文

耿師新祠成告文

焦氏楊道南先生入祠告文二首

祭文 祝文

祭少司馬耿公文

於維我師懿德乘時學宗洙泗業擅夷夔持衡秉鐸蔚為世儀公也何為旁陵遠紹規川之已每川

焦氏澹園續集卷十八目錄終

澹園續集

卷十八目錄

二

沈園續集卷之十八目錄

鄉賢祠祝文

衡府紀善周公祝文

鄭介夫先生祠祝文

黃侍中祠祝文

賦黃南夫坐天師告文二首

焦氏澹園續集卷之十八

祭文 祝文

祭少司馬耿公文

於維我師懿德乘時學宗洙泗業擅夷夔持衡秉
鐸蔚為世儀公也何為旁按遠紹親則父兄誨則
師保緩玦緇經其成則早軒然鳳舉作時珪璋起
曹奮跡嘉問芬芳神無留韻器不滯方 帝閔民
勞成都出麾奉行細劄褰去垂帷如醜江河以漑
町畦尋以文學師表閩越一經品題精采奮發多

士顯聞於今未絕民歌豈弟士仰范型 上曰汝
賢召侍承明容臺納言接武以升鎬京長江姦盜
逋放他嚴見欺公愛不犯人歸其功我服其量先
後十載盜息民寧晉少司馬乃以最行相別俛仰
遽隔幽明嗚呼痛哉言念同門培植有年既歷三
紀悉爲名賢今如晨星存者幾人時英盡矣我亦
白髮有訃自西方食哽噎聞公遺言一倍淒惻嗟
仁有後天道之常其門日大其道益光公可無憾
余亦胡傷遺德孔長殲良則速杳杳儀刑森森軌
躅匏葉何慙隻雞可續尚饗

祭王倚山文

嗚呼昔馬伏波之慕善人則曰鄉里而御欵段莊
南華之言物故則曰巨室之偃歸人嘗研味其深
旨竊有感於前文維靈賦材挺特卓茂足不踰乎
百里之間目不挂乎羣言之囿乃能僮千人如卓
氏金三致如岑研固已儕才諳於往古超倫類而
獨先縱一往而奚憾如逆旅之得還矧乃令子炎
方宦涉赤管朝操青縑夜襞贊官方而劈畫有經

守庭訓而準繩無越間關萬里凶問遙聞毀冠裂
帶雪涕星奔門外之征車甫稅庭內之遺容莫覲
不盡者心難言者命未謁季梁之醫已革曾參之
病嗚呼痛哉壺有芳醕俎饒肥羜冀招搖而來下
忽精魂其何處愧悲誠之莫寫聊片言以占叙

祭漆清軒文

業患不精公學旣成螢燈雪案歲幾周星樂而玩
之孔翼文經名患不聞公早有聲經明行脩冠於
月評久次而升模楷舒城秣陵之良於舒大造舒

人有言朱拊漆教民歌且舞士則而效譽問騫騰
超躋廣庠公意倦游懸車相羊歲月幾何遨遊道
鄉踰七望八不爲不壽有子及孫克昌厥後乘化
令終亦復奚咎得喪乖迤人世則然譬之寫水難
爲方圓如公生平所得已全死生離合人情所重
蓋棺事已寧不爲慟一觴之奠技浹以送尚饗

祭程別駕文

嗚呼維公行履敦和才猷宣朗聲動辟雍評高閭
黨閱歷旣深見聞彌廣筮仕大官玉食是掌鷓鷯

參陪枇杷嗣響俄焉一麾半刺以往匡救闕違明
燭抑枉織葦羅含破桺周敞於公視之齊名無兩
倦歸白門挹茲勝覽理學名祠忠臣幽壤經之營
之矢志弘獎晚築憩園壺觴跌宕案石獻奇籠禽
競爽目豁耳娛從容偃仰謂可百齡安此善養不
見幾時遽聞屬纊賓朋弔哭相視愀恍惟餘音徽
徘徊跂想薄陳酒馘爲布疇曩公聞不聞揮淚泚
頽嗚呼尚饗

祭余封君文

惟公跌蕩而扶義與節俠而爲疇眡親疏之急難
常赴之以若流逮中年而自斂又折節而潛脩憶
效陳翁之家法以馴行而貽謀迨乎公之嗣興協
世德以作求惟土肥而不穡乃倍獲於有秋幸令
子之鵠起錫綸綍於宸旒錯繡衣於斑斕享鼎
食於林丘望七旬而將屆方矯健而優游何人生
之靡常乃忽泛夫虛舟歎訕信之俄頃覩榮華之
遽迺合遠邇而咸哀倍予衷之咿嘍愧老病以因
循欲執紼而莫由聊片詞以伸奠冀鑒格於玄幽

尚饗

祭汪孺人文

嗚呼哀哉海陽之英畢效於人惟靈伉儷孕懿含醇憶思馨翁孝友維則靈實佐之輔其遺闕翁之義方秩秩有條靈實佐之愛而能勞方其立朝以諸媵隨小星逮下無愧周詩已而居鄉逍遙林莽荷擔深藏不殊董養靈繫壺教其儀孔多况我同里是則是模年躋八旬備膺壽祉猶希百齡以慰孫子天胡不淑菴沉婺星遠邇驚悼靡不涕零曰仁有後其門必大存順歿寧况復無愧 綸綍之褒異日可待通家分誼寓情一觴南望松蘿浮雲無光靈其有知格之洋洋尚饗

祭陶司成文

昔始見君已丑之歲余仕方初君志亦銳讀書談道握手歡然抗心希古自以無前剖析疑義游心幾微聞者河漢君獨不疑謂相推挽可升道岸出其緒餘匡時拯難二十年間離合相兼余以讒擯君秩稍遷意終合并以旣厥緼豈期一疾遽殞其

命嗚呼痛哉君勤於道而志未了孝於親而後莫
嗣顯其身而願未伸豐於材而用未試問譽空長
聲容難跂獨留文章照曜天地嗚呼痛哉念世事
之如幻同一盡於百年方峩峩而玉立忽茫茫而
颺旋手遺扎以自疑欲相從而靡緣涕洟瀾而莫
禁聊寓哀於片言嗚呼痛哉尚饗

祭王荆翁殿學文

嗚呼公之嚴毅相合豈偶予實後進晚而相邁心
乎愛矣不啻其口顧予淺薄又辱公知手握鉛刀

宰制未施儲而待匱冀以益時公俄歸田予亦遠
蹈中心懷慙何以自效詎期一旦生死難料嗚呼
哀哉公之材品今世所稀獨蒙主眷首贊萬機
魚水相得心膂是依公秉清格毫髮必辨轉移墨
風在一顧盼誰其似之古之楊綰國有大疑盡規
獻替意篤而婉愛濟其誼誰其能然厥有陸贄片
善盱衡一稊抵掌剪拂爲懷綢繆結想以昔揆今
梁之任昉主器未定蚤夜懷憂功成羽翼赤松與
遊公於是時漢之留侯袞衣東歸帝眷未已安

車蒲輪逆之田里辭避再三眠榮若緇方期弘化
儀刑萬方俛仰之間公也則亡 皇心震悼行路
盡傷嗚呼哀哉國步之艱誰與匡之及陋有人誰
與揚之民有凶災誰與禳之下寮有咎誰與明之
公之存也桃李孔多迨其末路同室操戈勢則使
然公如之何人情險巇朝暮異狀所不易者 上
心嘉獎生被殊遇歿獲大葬予也辱公特達相成
感恩知己兼於一身僑善孰爲牙弦絕音承凶以
來爲位而哭竊比昔人生芻一束搗詞寫心老淚

盈掬嗚呼哀哉尚饗

祭高別駕文

嗚呼古道日微遺美在君行有不散之樸道合太
和之醇行誼信於朋友孝友配乎古人筮仕龍南
以古爲師不阿不競一節自持民之阿保士之表
儀再蒞於婺唯下是卹靡始與終政求厥實口碑
流傳遐邇如一人謂君才未罄其素如行康莊千
里跬步坦中直道乃以媒妒於宦未遂其志則伸
未老歸來龍臥願神彈丸日月逆旅乾坤方期歲

時扁舟來往追良朋之笑談撫芳辰而偃仰如鴻
飛之冥冥亦奚羨於塵網蘊真抱樸爲樂孔全惜
也昊天遽奪其年宗姻悼切士友悲纏嗚呼傷哉
人道靡常百齡若寄殤短彭修均一澌逝得正而
化餘復何計某托交彌久申以姻眷惟道義之長
存慨死生之倏變驚英魂之長往知夜壑之靡旦
聊撫筵而一痛徒有淚之如綫尚饗

名宦祠祝文

仰惟先哲惠此士民化雨仁風久而如在某繼後

塵雖其有愧而不敢不勉也歲事聿修登薦菲薄
其尚相予於冥冥以終大賜尚饗

鄉賢祠祝文

仰惟先哲隱以德顯仕以業著卓然風於百世垂
範至今士民歸厚豈某之能教翳鄉先哲是賴薦
誠俎豆匪以爲報也尚饗

衡府紀善周公祝文

維臣行義維學明倫公昔就義實以茲爲死所匪
直自擇其所歸亦以教忠也某職忝作人敢忘祇

事酒清牲瘠惟公其歆之

鄭介夫先生祠祝文

新法之出不俛而隨一拂以歸違世所馳顛沛流離以蒼生故一話一言不忘君父老壯一節信於是邦况其有書流傳者長春日載揚秋露祁祁祇薦樽酒以慰邦人匪直愚守尚饗

黃侍中祠祝文

惟公闔門臣死其君婦死其夫女死其父母而臧獲輩死其主可謂與日月而爭光隻古今而無對

者已願瞻遺丘寅薦罇爵匪直守土之責抑以從邦人之願尚饗

耿師新祠成告文

伏惟我師鍾靈二楚爲範一時挺立獨出唯道是師鸞鳳開九苞之翼江湖澄千頃之陂始持符而督學爲東南之羽儀當長夜而秉照閔迷塗而授綏釋衆言之牴牾排異學之喧豗鼓大塊之噫氣盡萬竅而一吹譬星暉而嶽峙爲羣望之所歸念金陵之奧區實蒙教之所始義日煜而光華仁風

揚而披靡卽山砧與水涯長沾丐而未已某等早承訓誨偏沐恩光愧館宇之弗稱爰改卜於宮墻幸俎豆之在茲儼音徽於不怠托椒漿而一奠奉明靈之洋洋儻可施其默牖知無間於存亡尚饗

奉楊道南主入祠告耿師文

昔孔子作人必有從游之士妙契師傳共相闡發異日祀於瞽宗亦與享焉我師振鐸南服道南楊子寔始從之道岸先登仁風丕振二三子之興起寔惟厥功敬筮吉日迎主於我師之側神爽森越儼如負墻尚望冥冥之中共為匡弼俾二三子不終墮於迷塗謹告

奉楊道南先生入祠祝文

先生性真洞契行誼夙修明足探微和能釋吝同志者翕然曰師門之顏子也先師祠宇巋然以時秩祀所當祔食者非先生其誰謹卜吉日迎先生而妥靈於茲嗟乎名宦鄉賢既分曹於兩廡上臨傍質復聚首於一堂尚冀冥冥之中擊蒙警惰俾某等無終愧於斯文謹告

夫生也其真風吳百韻夙參明吳辨辨味辨辨各同
 異日奉財能南夫主人師野文振鐸南服道南楊
 絲聖外卷坐藍吉先登在風不振二三子之興起
 黜收負辭尚望冥冥之中共為國留野二三子不

焦氏澹園續集卷之十九目錄

四言古詩

答季立先生十二章章六句

焦氏澹園續集卷之十九目錄終

澹園續集 卷十九目錄

澹園續集卷之十八目錄終

答季立先生十二章章六句

四言古詩

澹園續集卷之十八目錄

焦氏澹園續集卷之十九

四言古詩

答季立先生十二章章六句

東寶曰箭南木惟喬君之代興武鬯文條抗心希
古於時鮮交顧予淺材乃辱英盼如蘭之馨歡言
寤歎投以篇章絢焉有爛過逢非久樂踰舊知詩
窮古始易究庖羲嘉言盈耳玉屑其霏翔鴻翩如
俄焉東邁約以下鄰窮年卒歲顧步懷思慮其不
再昔之往矣朱華未稀今其來思雨雪凄其揚舲

攬轡慰我調饑古之神遊八極可越不伎不求奚
徃弗獲氓之蚩蚩繫此徽纏春冬閱歲墳麓比音
或挽或推升高汲深何以勗予曰惟洗心玄覽未
滌純白其傷濯之暴之江漢秋陽汾泗洙泗以遡
軒黃昔人所歎難在知非多言兆釁好勝者危微
君諒直疇爲予規交以澹成心繇道契連城非寶
三旌詎貴心期一豁塵滓可棄歲云暮矣言息其
廬良書坐擁林水翳如何以寄懷濁酒一壺聊綴
斯章如桃報瓊詞竭氣殫含意未終誰爲來者契

此素風

五言古詩

除草

賦得鳳凰臺

恭誦

送區用孺使淮府使還廣州

贈賴士直

贈王三工

焦氏澹園續集卷十九終

從弗獲強之出出擊此稀稀看冬陽芳均房上音
或挽或推升高汲深何以勗予曰惟洗心玄覽未
滌純白其傷濯之暴之江漢秋陽公泗洳泗以邈
軒黃昔人所歎難在知非多言兆蒙好勝者危微
君諒直疇為予規交以澹成心繇道契連城非寶
二旌詎貴心期一豁塵滓可棄歲云暮矣言息其
廬良書坐擁林水翳如何以寄懷濁酒一壺聊綴
批素風桃報瓊詞竭氣殫含意未終誰為來者契

焦氏澹園續集卷之二十目錄

五言古詩

除草

賦得鳳凰臺

恭誦 宣宗皇帝御製翰林院箴有述

送區用孺使淮府便還廣州

贈賴士直

贈汪三江

觀玉三云

澹園續集卷之二十目錄

五言古詩

焦氏澹園續集卷之二十

五言古詩

除草

幾迴憩吾圃春色明郊原嘉樹日亭亭
 儵然幽意存如何旬日內惡草忽以繁
 芒刺在我目荒穢盈丘樊青青松竹姿
 埋沒在中園嘉生日為塞爾態翻自誼
 爾誼何足道柰此芳華冤呼童荷鍤往
 誅鋤勿辭煩滋蔓非難圖要在去頑根
 頑根隨手盡惡類焉能蕃藩籬頓清曠
 始覺松桂尊因知除惡

本古人非空言吁嗟世固然吞聲復何論

賦得鳳凰臺

高臺鬱嵯峨三鳥鳴翩翩兼之萬羽從下上青林
外何年去不還江空臺自在睠茲威鳳姿豈以稀
見貴止必梧桐枝飲必瑤池派矧伊臺中人高風
擅絕代因時一來儀功成謝塵籟道從神理超賞
典崇深會振策凌紫蒼披襟濯松檜夜靜簫聲空
風吹女蘿帶喟焉睇長川一往有深解行當千萬
秋乘雲弄烟溼

恭誦 宣宗皇帝御製翰林院箴有述

天闢圖書府深嚴不可窺榮光中夜起奎壁何陸
離仰瞻梁木峻上有 宣皇詞宸章旣昭回御墨
何淋漓詞垣勒鑒戒侍從炳著龜首言綸綍寄中
及講學資聞識充耳目幾務賴疇咨啓心仁義道
指事唐虞時文章尚典則謀議嚴公私大哉 王
者言允爲詞臣師長跪再三讀中情凜以怡微尚
夙所秉羞爲末俗規况茲樗櫟材甄收沐 皇慈
袞闕期有補直筆冀無疵願霈霖雨恩大慰原野

澠園集卷二十一
二
蚩以斯潤色情上谷高天知擊目還警心韋弦良
在茲

送區用孺使淮府便還廣州

當年同擢第文字總馳名共唱陽春曲多君金石
聲玉署曉同趨金闈晝長揜橐筆互先後鳴琚日
游衍忽以維城重新辭寓直班人經彭蠡澤帝
賜紐馳環百粵指歸塗棠花已含笑熊軾海潮迎
高門朱戟耀鶯轉燕客遲晝靜知夏好故鄉豈不
樂承明應念歸撫景易遷變論交難久違無令三

五夕長憶謝玄暉

贈賴士直

自予棄纓綬窮巷長栖托世氛中道屏夏氣南榮
薄墳籀仍舊業榱椽無改鑿林臥闕代與天遊恣
寥廓鄒子人中豪相期在林壑每尋安成夢未果
山陽約君爲及門人意叶忘瓠落扁舟訪衡廬投
我平生作雅韻鬱瓊敷新詞芬綺錯鵲起待機緣
雙屈豈沈莫時至當奮飛乃展胸中略吾衰久矣
夫抗志思絲邈纏牽難遠步肉食鄙葵藿君其振

英風一洗時流忤歸來問真諦終畢林間諾

贈汪三江

卜居秦淮湄在市罕人跡開函讀古書皎日照東
壁雅懷夢亦清霽景氣彌適鴻冥弋何慕豹隱文
自澤執戟良已疲結綬定奚益詎如栖一廛偃仰
樂晨夕霏霏竹箭名藹藹蘭陵席蘋洲望已騁荔
帶紛可襲誰云仙路遙修塗逝言陟窈窕駕青驪
相將訪黃石

焦氏澹園續集卷二十終

焦氏澹園續集卷之二十一目錄

七言古詩

長歌行送羅生尚德北上

北海莊肖坡七十詩

吹笙吳君生日贈以酒作歌侑之

矯空題黃山烟樹圖爲邵果齋內人壽

論陰符對明月酒中盼劍雄心發逝將西北斬樓

蘭更請長纓繫南越近聞名王款邊城樂浪燉煌

荆江三江

下居秦淮涓在市罕人跡開函讀古書皎日照東
壁雅張黃山歐樹圖為沼果齋內人壽恭豹隱文
目澤吳晉主日韻以醉於樽前之如栖一屢偃仰
樂長張貨姓少十結請請蘭陵厝積洲望已騁荔
帝紛吳得子安羅生尚蘇北土言陟窈窕駕青驪
相將小言古詩

焦氏澹園續集卷之二十一目錄

焦氏澹園續集卷二十一

七言古詩

長歌行送羅生尚德北上

北海先生石城內青青滿座搖衿佩幾人花底夜
吹笙絳帳風流至今在前列羅生豪雋才英風矯
矯空凡埃風塵自擅穿揚技鳴鞘一落萬人開坐
論陰符對明月酒中盼劍雄心發逝將西北斬樓
蘭更請長纓繫南越近聞名王款邊城樂浪燉煌
未罷兵天子拊髀思猛士上書今見棄繻生狼居

胥接祁連路云是票姚建功處朔野秋深苜蓿肥
赤幘雙鞬走馬去紫騮馬上鷓鴣袍黃沙磧裏陣
雲高未看一箭旄頭落誰信當年意氣豪君不見
淮陰里中少栖栖寄食人共誚龍劍會合終有時
一日英雄起屠釣七十二城電如掃指揮楚漢歸
談笑丈夫談天要有底鍾鼎勲名難自委燕然未
勒筆可投虎頭故是封侯子離情落木爭焚焚一
曲未終日已曛明朝匹馬知何處月下長歌還憶
君

莊肖坡七十詩

昨夕泉山春鼎來東風淡蕩巖花開透迤百尺神
仙室縹緲三花玉女臺莊翁學道臥烟霞采藥尋
真服九華夜逢王母詒蒼珮朝謝諸生捲絳紗堂
有慈親年九十渥顏猶帶嬰兒色對客何妨每節
蔬有子不煩親捧檄賢孝承家有素風古今母子
將無同稱觴不道山川隔想見窻戶開青紅賀客
繽紛踵相接座有金盤馬珠勒十分美酒壽千齡
笑看醉紅潮玉頰雛鳳高飛太液池翩翩時繞上

林枝多翁獨立緱山頂長看鷓鴣集瑣墀

吳君生日贈以酒作歌侑之

前有一樽酒上君千百壽生逢強健時代是昇平
晝酣觴聊可破窮愁身名那用悲前後春風二月
花滿枝含情不飲將待誰越女紅顏發巧笑詞人
綵筆相追隨興來相對一揮盞醉中得趣王侯卑
君不見梁苑鄒陽擅文雅幾載曳裾趨闕下可憐
衆口銷人骨束縛翻遭獄吏罵又不見李白才華
不世雄夜郎一去重飄蓬讒詬焚焚滿人耳有如

落葉鳴秋風白衣蒼狗元顛倒二子輶軻安足道
黃梁得喪總浮雲何事區區挂懷抱延陵吳生二
子敵十年猶困風塵色鳳翮凋零霜雪摧吳鈞蠹
蝕塵沙黑當年得意吐虹霓一朝失路藏荆棘片
言墮地鬼呵護精氣摩空人不識我勸君酒君莫
辭風雲變化會有時青春好著東山屐他日飛騰
未是遲

題黃山煙樹圖爲邵果齋內人壽

黃山高高凌紫清七十二峰煙樹橫軒皇曾此煉

金液手攜玉女朝瑤京遙遙一去幾千載猶有真
風至今在梁鴻埋照世不知翻因德曜留光彩綺
筵行酒宵向分舉杯相邀鸞鶴羣翠微渺渺丹霞
接彷彿靈璈響綠雲大道希夷亦等閒仙源只在
故鄉間莫如弄玉高臺上一逐蕭聲定不還

焦氏澹園續集卷二十一

焦氏澹園續集卷之二十二目錄

五言律詩

送王行甫還黃州

挽韋生堯臣

羅生挽詩

銀翁齋中各賦一物分得談玄玉塵

劉節婦

齊王孫挽詩

送劉玉阿謁湖州先莊襄新祠二首

送公露奉母之南曹二首

贈別二首

齊王孫園餞別惟禮二首

焦氏澹園續集卷之二十二

焦氏澹園續集卷二十二

五言律詩

送王行甫還黃州

當代論詞賦君還第一流
如何雲夢客不作上林
遊世以雕龍著名堪繡虎
收漢庭楊意在莫爲釣
竿留

挽韋生堯臣

死自浮生事嗟君倍可憐
弱齡辭伉儷短世背貂
蟬乍失仍疑見重逢未卜
緣祇餘雙劍在龍氣斗

牛懸

羅生挽詩

文儒多儉狹怪爾太飛揚跋扈人間世三千弟子
行鳴鞘空絕技擊石不餘光李廣時難遇無言自
惋傷

銀翁齋中各賦一物分得談玄玉塵

本自荆山質移來講席揮欲因開覺路聊以息塵
機白與珠華映玄隨玉屑飛松枝那足貴空自惜
張譏

劉節婦

粉暗辭羅綺釵寒失鳳凰賦堪悲暮日心欲結秋
霜列女班荀並男兒嬰杵行綸音一褒錫千載播
芬香

齊王孫挽詩

憶昨同難弟池亭嘯詠時共看春草發俄聽夜烏
悲琴酒虛朋輩箎簫咽路岐祗餘叢桂在留恨滿
荒蘩

送劉玉阿謁湖州先莊襄新祠二首

楓陛勲名重菰城風義親英雄無處所蘋藻薦遺
民白日晴沙冷青山片石新寧知百年後悽惻弔
雲孫

迢遙二千里扶老向江山雉乳風流遠熊轡像設
閑竹深喧暮鳥花靜掩春關應有門徒在相逢話
舊還

送公露奉母之南曹二首

將母秋原發承恩晝錦行土風時入詠月俸足調
羹畫省雲爲署澄湖玉作京懸知紆綬處信美重

含情

聯珮趨青瑣之官住白雲幾思花下醉其柰席前
分作客應誰共還鄉獨羨君羈栖差可慰詞賦鎮
相聞

贈別

寂寞楊雲宅清溪隱徑賒閒門得之子問字一停
車杯帶寒流淺山臨夕照嘉無言歸鞅緩前路及
鶯花

槐市衣冠會風流今在茲因思公子日得副晚春

期畏鵬悲吾老爲鵬嘆爾奇定知懷玉者高價動
良時

齊王孫園餞別惟禮二首

故人何所往迢迢燕市過渚花行際少江樹望中
多鴻漸因風上鷺聲近日和騫騰知未遠去路莫
蹉跎

梁園含薄霧潭水漾輕陰好鳥啼芳樹清歌聞隔
林長途今日始幽事幾人尋不謂離居意衰年覺
倍深

二十二卷終

焦氏澹園續集卷之二十三目錄

五言排律

送黃博士宗商謫江夏

贈符卿徐君奉使鄭藩二十韻

送林咨伯奉使便歸莆陽覲省

卞孺人六十

許懷泉六十詩十韻

喻職方尊人偕壽詩

挽楊封君

余學士八十得子客以詩賀之余亦嗣響

壽鄒南臯先生二十八韻

壽參岳何公露二十韻

題南山精舍為黃給諫賦

焦氏澹園續集卷之二十三

五言律

送黃博士宗商謫江夏

能文韓博士結綬五湖端出宰聲彌遠投身自
寬虞翻仍遠地柳下亦卑官白壁逢人晚青松有
歲寒循良看古史凋敝願時安正爾飛騰日無憂
行路難

贈符卿徐君奉使鄭藩三十韻

屬籍恩波厚巖廊禮數宣簡書應日下使節竟疇

肩尚墜班方重承恩爾最賢價高雙白璧調逸兩
朱絃石慶恭彌厲韋玄業盛傳清曹分鶴禁殊渥
佩龍泉綸綍金臺出干旌宛洛懸列卿紆遠轡父
老泣新阡鄭自維藩舊名因宗老先東平苗善譽
劉向有嘉篇小挫忠逾篤中還節更堅兔園勤采
纈雪館費招延好賦梁王逝留賓穆醴遷皇情麟
趾切卹典鶴書專祗役君遄發還鄉意暫便青山
探古蹟丹笈挹羣仙勝地羈維釋高吟激賞偏寒
帷瞻徃路臨水惜徂川吳會浮雲外燕京落照邊
相思日延佇歸鞅早朝天

送林咨伯奉使便歸莆陽覲省

授詔辭金殿承恩戀玉墀名堪天北斗使向海東
垂龍節詞臣重桐圭帝子私嶺雲迎舊路海月惜
歸期况是題橋後兼之奉母時江魚供錦饌林笋
薦瑤卮色養心難盡朝天分莫辭承明需著作還
轡未應遲

卜孺人六十

槐市迎親日冷風引夏涼葵榴森戶牖歌吹動宮

墻枕扇隨溫養金籬重義方美談知待湛散朗欲
齊王節以躡危厲名因歲月芳天應開寶婺池擬
接瑤觴忠孝家聲遠冠纓世澤長閒居將麗藻願
以祝高堂

許懷泉六十詩十韻

巖壑高懷在清泉日濯纓絳湖臨別墅白首締深
盟種樹先賢傳爲農東魯名千金三自致七策二
先成老覺孫謀重心知儒術精經能傳世業子欲
振家聲羣從金閨器過逢玉樹清琴書淹短晷弧

矢照長庚黃菊如相勸青樽莫厭傾西風應不負
彩筆正縱橫

喻職方尊人偕壽詩

家風南浦遠子舍上京開厨膳江魚入萊衣宮錦
裁政曾三異上恩自九天來爵服郎官貴絲綸內
史催典章馳盛代象緯燭中台諼以迎霜茂椿因
足雨培庭闈增氣象風譽日招回磊落乘舟志端
嚴斫柱材何人能作頌長命一添杯

挽楊封君

斯人巴蜀彥一日揜黃泉里閤儀刑絕親知涕泗
漣淳曾廻薄俗節擬邁前賢垂範橫經舊推仁解
網先尊榮真不愧端雅獨翛然八十新開袞三千
欲紀年 鸞書重寓日鳳德敢差肩令子勛猶壯
修名遠邇傳巖廊精獻納甌粵重旬宣 帝念徵
爲鑑時需說濟川乘風功逾起愛日夢常牽一別
成寥闊孤懷柰渺緜鯉庭遺故帙蝸壁慘虛筵慟
哭蠶叢路淒涼京兆阡摛詞從左掖遣奠出中涓
鄰愛方休杵 皇慈更撤懸穹碑書寵渥 國史
采貞堅益部耆英傳華陽士女篇何人能繼作翹
首誦摩鐫

余學士八十得子客以詩賀之余亦嗣響

人當弄璋日年是釣璜餘勝事從今覩奇聞到處
無定知從孔釋詎欲比封胡晚出荆山璞欣披汗
血圖照車成郢握歷塊匪轅駒合字相如犬寧慙
楊子烏夢蘭符朕兆擢桂快搏扶漫寫詩爲卷遙
持酒滿壺年年湯餅會莫忘一招呼

壽鄒南臯先生二十八韻

霽日開家讌光風動客襦翠蘋涼影合丹嶂晚霞
鋪杖屨時能至蓬蒿徑未蕪棊中安石墅花裏步
兵厨憶昨登朝日英風絕世無問豺難避路射隼
輒彎弧必使三綱正寧甘九死扶姦諛心欲碎忠
義氣全孚其柰投明月因之泣暗途七年臣節苦
萬里客星孤博望辭門籍巖廊轉化爐掖垣煩領
袖朝列仰規模推轂從輿論持衡繫廟謨青蒲常
切諫白下又長驅講德標新義陳詩藹故都地靈
回涸轍天部接亨衢擺落嫌疑跡從容肝膽輸詎
因垂翅後坐令好音殊價重難沽玉恩睽每報珠
鍾陵留几篋鑑水足尊鱸歸棹堪龍臥閑庭任鳥
呼飛揚醉白興寂寞草玄徒問字羣多士談經半
碩儒門歡候客稚谷繫食場駒時事紛披甚朝端
事業需騫騰應不遠倚伏自難誣磊落迴瀾志纏
絲補袞圖誰操狐馬筆授簡爲全書

壽參岳何公露二十韻

上日華筵啟高門盛事偏三傳皆甲第諸客半貂
蟬納屨玄黃集稱觴雅頌宣蘭燈輝接座桂魄朗

遙天憶昨公車日看君射策先清朝推翰墨畫省
比神仙賈誼經邦疏相如諫獵篇雲霄方羽翼江
海各風烟振玉洪都路攬金秦望顛千家窺驛舫
五馬飲鼉泉便了湖中事時參物外禪行春烏反
哺問俗犬安眠才大思兼濟時違忽棄捐褰裳聊
自適叱馭任人前圖史臨谿閣桑麻負郭田曾栽
松偃蹇亦種竹嬋娟結社交從素閑居草足玄顏
峰欣酌羽流水恣鳴絃勝賞追前輩雄圖付後賢
從今巖壑穩臥聽谷鶯遷

題南山精舍爲黃給諫賦

見說南山勝名儒少日留一從登瑣闥幾度憶滄
洲棟宇千齡接山川累世收貽謀承往日肯構詎
常流舊草辰占麗深松歲不秋煙霞互吞吐魚鳥
接沈浮跨木長橋遠聽泉曲澗幽寧知千載後得
與祖風侔水月通三昧圖書富九丘飄搖中散駕
磊落仲宣樓泉石鄉關夢艱危社稷憂一疏期效
賈三策合追劉壯擬姬圖永奇思舜藻求卷阿鳴
鳳鳥斥鷃豈爲儔

對武平李力學書
 常欲壽草氣占靈彩林遠不殊慙霜且吞如魚鳥
 雁軒宇千嶺對山川累世外韻藉承卦日肯軒
 長結南山期各謝少日留一豸登貨闈幾更謝會
 從今馭南山辭舍為黃餘藉頌

焦氏澹園續集卷之二十四目錄

七言律詩

初還退園作

送秦後儀還江陵

吉祥寺桃花園一首

楊鍊師恩例冠帶

題李公子喬松圖稱壽尊君臨淮侯

送吳伯恒太守之杭州

潘去華弟隨兄之都生日贈一首

項烈女

朱鳳岡翁恩例冠帶

送王計部視學河南便歸姑蘇二首

送魯幼齊之龍游

范叟

送譚中丞撫蜀便歸覲省

壽林君

別朱平涵宮諭二首

潘懋德生日同友人數輩觴之余賦一詩

方思川五十

余司成八十

王與竹方伯七十

顧體庵兵備七十

贈汪生

送馬蒼麓參岳之貴竹

送張博士還安陽

筠塘郡伯治最當徵兩臺從士民之欲爲請
於朝得留久任聞者喜而賦之余亦繼作

李蘭溪六十

送曹能始

題李氏古勝園

送彭景從

和謝比部何園懸燈賞牡丹四首

金少源生日

贈金少源

江月軒為石民部賦

贈吳弘宇

送李叔操歸上黨四

贈永慶僧

贈何公露

張少參六十無邊清興逐時新鏡中白髮堪

知我壽楊默齋七十人老去服車空有志愁來彈

壽楊慎齋六十

陳未齋年兄八十

壽尉樵齋七十懸燈賞牡丹四首

張少參六十

韻回公壽

韻禾慶節 右民部賦

送李太守赴魏土黨

焦氏澹園續集卷二十四

七言律詩

初還退園作

咫尺柴門即水濱無邊清興逐時新鏡中白髮堪
知我坐上青山自可人老去服車空有志愁來彈
鋏不因貧寂寥賴是遺編在擬草玄經筆有神

送秦後儀還江陵

青春山郭亂花飛忍見天涯送爾歸三楚風光行
處盡片帆烟渺座中微浮雲極目愁看劔問字何

人獨掩扉懷抱欲傾嗟未得相將容易寸心違

吉祥寺桃花園一首

隱隱花宮北又東幾株紅樹翠微中短扉流水非
秦世淡抹輕粧出漢宮暈減自憐宜曉日嬌多翻
更怯春風重來欲記天台路祇恐仙源不易逢

楊鍊師恩例冠帶一首

一道天書出紫宸清都何意播餘芬朱旛欲向雲
中度毛節俄從日下分讌去幾隨青鳥使書成曾
舉白鵝羣年來亦有蘇耽興願借仙人玉笈文

題李公子喬松圖稱壽尊君臨淮侯

三山嘉樹鬱蒼蒼下接枌榆是帝鄉雲氣直蟠千
里勢露華遙自九天長陣成鵝鶴春藏影旗偃龍
蛇夜有光報國片心知未冷滿園鱗甲動冰霜

送吳伯恒太守之杭州

窈窕澄湖十里光幾年幽夢寄滄浪風煙莽莽林
逋宅雲木蕭蕭水壑堂蟋蟀經秋生別恨芰荷他
日或同裳何人不淺邴超興爲傍清溪架竹房

潘去華弟隨兄之都生日贈一首

揚鑣曾逐祖生鞭，弧矢雙懸日月邊。
國士祇今堪伯仲，酒人那復羨幽燕。
春明上苑供浮白，月滿西山伴草玄。
樹底荆花君自惜，肯令風雨妒芳妍。

項烈女

未嫁从夫古所敦，千秋那不愧貞魂。
琴隨子敬甘同絕，劍許徐君不負言。
璧月乍沈鸞鏡影，銀河長斷鵲橋恩。
空餘涕淚鴛鴦冢，歲歲梧桐他自繁。

朱鳳岡翁恩例冠帶一首

東風七十九回春，曾向先朝作外臣。
何意冊書天

上至轉憐華髮鏡，中新高朋滿座懷。
仍壯濁酒連牀計，未貧顧我淺才無。
以報廿年門下愧，情親

送王計部視學河南便歸姑蘇二首

東風擁傳外臺居，十載聲名在兩都。
豈謂青雲搏勁翮，欲從滄海問遺珠。
筆搖嵩少春長住，屨滿漳河興不孤。
此地弦歌多勝蹟，看君衣鉢紹前儒。
一春多病榻長懸，又是詞臣攬轡年。
謝氏衣冠堪擅世，旌陽眷屬總登仙。
袖中刺字慙相避，馬首離歌倍可憐。
靈蹟君還知未遠，將因一訪紫芝篇。

送魯幼齊之龍游

神明茂宰古來難
姑篋逢君政自寬
不憚舟航衝暑熱
爲憐父老遲江干
金陵雲隔三衢嶺
瑤草春生七里灘
到日登臨多暇豫
西風應憶竹皮冠

范叟

松花滿泛酒杯濃
冉冉鸞笙度碧空
香社聲名胡李上
商巖杖屨綺園中
清池洗藥時窺月
白晝遊仙或馭風
莫厭過從頻獻壽
百年今復許誰同

送譚中丞撫蜀便歸覲省

仙郎親捧紫泥書
歸路遙馳駟馬車
翟服寵光開日月
綺筵歌舞動林廬
已看鵲起隨金印
更羨烏飛傍板輿
千里承權君莫慮
錦城到處有江魚

壽林君

華髮飄然六十時
當堦玉樹挺奇姿
久知晉代推懷祖
自合荀家有叔慈
老去圖書侵座滿
庭虛花竹傍人移
墻頭一片鍾山色
日爲閒人送酒卮

別朱平涵宮諭二首

急管清絲祖席催
鋒車千里帝京來
燕臺合是彈

地鶴禁還須載筆才落日孤帆江外影浮雲遠
神望中哀赤霄不盡芒寒色夜夜文星接上台

舊交零落幾人存白首何期共酒樽琴釣同心聊
此日雲霄比翼敢重論寒江立馬愁將渡深樹啼
鶯獨揜門老去荷鉏君莫念春來雨足邵平園

潘懋德生日同友人數輩觴之余賦一詩

威鳳聊因翠篠留結鄰閒臥一山幽未妨嘉客淹
梅雨况復清樽對麥秋元亮賦詩經絕壑季常傳
業在高樓時來莫歎封侯晚再上雷川尚黑頭

方思川五十

曾開園囿帝城傍樓上山川指顧降騰有棊書留
几簞閒邀嵐翠入軒窻深秋轉覺黃花茂縱步長
看白鳥雙四十九年如過夢一樽何惜共銀缸

余司成八十

寰區八十自由身蚤歲聲名動紫宸不戀班聯參
日月每從坐隱息風塵文章有價傾三事桃李成
陰在兩均聖代祇今求舊切未妨重載釣璜人

王與竹方伯七十

烟月秦淮一曲回綺筵新向鳳城開鶯花上國遊
仙路岳牧殊方報主才香薦山櫻清几格影搖銀
燭勸樽罍閒身何必扶鳩杖乘醉時登郭外臺

顧體庵兵備七十

憶從潼谷賦歸歟東府長停憲使車骨相一生金
印肘功名廿載皂囊書縱懷謝傅圍碁日選勝羅
含徙宅餘容鬢况禁春事在夜堂莫放綠樽虛

贈汪生

風塵誰復縱閑身爲愛名都遠卜鄰鍾阜高懸雙

嶠翠江流遙結一谿雲竹林雅詠山王並栗里清
言祖謝臻最喜開樽逢五月石榴花發是嘉辰

送馬蒼麓參岳之貴竹

一醉臨歧金屈卮看君事業有前期揮鞭欲繫名
王頸草檄爭傳幼婦詞遠地風猶銅柱紀舊遊星
散籜冠知河橋楊柳青無盡矯首停雲有所思

送張博士還安陽

江干相送夕波寒滿望離離木葉丹世路艱危新
稅駕人情翻覆幾憑闌乍辭赤芾名偏重三仕清

朝髻未殘聞道後堂多樂事筦弦誰復借餘歡

筠塘郡伯治最當徵兩臺從士民之欲爲請
於朝得留久任聞者喜而賦之余亦繼作
徵詔端因黃霸裁 主恩還借寇恂來桑麻久媚
褰帷色棊誦應饒入室材白晝郡堂留岸幘清時
山郭憶停杯懷賢戀德無多日佇擬勲庸列上台

李蘭谿六十

芍陂風物共徜徉解組翻憐意氣長松菊乍開彭
澤徑畫圖重識輞川莊端居歲序頻相過舊業田
園鬱未荒羣從幾人饒彩筆不妨杯酒照琳琅

送曹能始

十年觴詠幾追游唱罷驪駒不可留清世未煩憂
蜀道壯懷時復攬吳鉤孤帆雲渺江天暮三峽風
回壠樹秋谷口高賢知在否將因問俗一相求

題李氏古勝園

名園十畝隱樓臺異代曾栖作賦才曲水春從青
嶂落遙山曉帶白雲來堂開樹色千重見花擁禽
聲百和迴此地羣公多置酒幾人懷古日悠哉

送彭景從

惜別河橋楊柳垂石城春色正遲遲壯懷準擬千
秋業遠道其如萬里思未愧金陵稱未契早從玉
署挹芳詞二京雲樹多佳麗轉轉遷鶯得上枝

和謝比部何園懸燈賞牡丹四首

欲憑國豔慰衰殘垂老猶來就藥欄把酒不辭花
下酌移燈還向醉中看青輝散彩春增麗丹靨扶
香夜未闌爲問品題誰第一正封詩價動長安
高懸銀燭傍花王冉冉猩紅出短墻祗覺豔多消

酒力不緣暈減借燈光氤氳寶靨開香霧宛轉仙
衣弄晚粧自是維摩能解脫未妨同坐散花場

清宵紅燭照高枝幻出花叢一段奇色借瓊粧初
泛泛影搖珠樹半離離文君窈窕當壚日羸女留
連窺鏡時一自新都懸賞後幽歡曾許幾人知

瓊島移來手自栽更煩火齊照春臺花如不夜城
中見詞向清平調裏裁雲朶鱗鱗明錦幕露華濯
濯映珠胎白頭轉覺鍾情劇扶醉深更未擬回

金少源生日

美酒香茶興不踈筵開六十九回餘帳中並受通
儒業圯上親傳孺子書玉樹歌殘桃葉渡金壺人
醉藕花居莫言汎宅浮家事臨水看雲日晏如

贈金少源

三楊當戶此開樽雅况如君可易論結客才應無
上駟談經名已動中原白移山帶芸生潤綠滿書
帷草漸繁十載賦成還自愧未堪重過子雲門

江月軒為石民部賦

絕壁臨軒接太清澄江霽色望中平不妨太史占

龍氣自有仙人集鳳笙皎月半空紅樹迴長虹雙
指畫樓迎定川解送閒人酒簫鼓方舟處處聲

贈吳弘宇

菟裘自卜隆中地麟閣何煩身外名樽酒欲開山
郭淨爐熏未散午風清行邊勝具同玄度老去高
懷學向平况是仙郎稱玉潤閒居相伴著書成

送李叔操歸上黨

頻年京輦暫徘徊此去壺關首重回雞肋未堪糜
國士羊腸寧復傍時才青山夢遠家還到白雪知

稀調轉哀賴是淵明能寄傲不將琴酒負歸來

贈永慶僧

蕭森松竹對窻踈謝傳荒墩入望餘少日登臨成
勝會老年蹤跡墮空無祇將禪誦供僧臘不礙菩
提混世途還憶太虛遺意否一輪新月定山孤

贈何公露

滿貯圖書博雅堂閒攜絲竹輞川莊裁成柳賦欺
鸚鵡買斷茶泉得鳳凰洛鞵倚塵嬌水上秦簫吹
月度花傍稱觴莫惜留賓醉更數從頭三萬場

張少參六十

支干遍歷逢初度恰是嘉辰九日來朱紱暫拋閑
把釣黃花相伴且銜杯頌聲曾入華陽志召節仍
從薊北催一壑風烟知未穩看君頭角自卿材

壽楊默齋七十

朝看青鏡未頽顏都付光陰酒醖間花雨乍飛秋
氣淨松風相對午雲閒三山江上供吟眺五老林
中待往還知有長生真訣在鸚鵡輪鶴駕許追攀

壽楊慎齋六十

年將六十解天峩白社經行不憚勞貝葉千函龍
藏古蓮華九品塔輪高依人馴鳥多栖鴿入供新
枝已獻桃不向一期論果報泰山滄海等秋毫
陳未齋年兄八十

憶從蚤歲賦歸田白壁青山澹晚烟笑指梅花開
壽酒靜看椿樹數流年壯懷每放登臨後吟興何
孤酌酊前知是淵明遺意在頻將風物記斜川

焦氏澹園續集卷二十四終

焦氏澹園續集卷之三十五目錄

五言絕句

毗山園雜詠二十首

為潘朗叔賦

六言絕句

親友人閔壽卿像思企不足以四詩為頌

陳未齋年九八十

憶從歸丈人閑壽嘯思全不足以四精為

壽六言餘句 樹數流年壯懷每放登臨後吟興何

孤酌地山園蘇集卷之二十五目錄

五言餘句

蘇氏澹園蘇集卷之二十五目錄

焦氏澹園續集卷之二十五

五言絕句

毗山園雜詠二十首為潘朗叔賦

南陔堂

萊衣袖欲舉潘園輿且駐從知下菰中復觀南陔

意

漪蘭館

秋蘭發華滋植根未當戶詎必賦反騷幽館香自

度

石林

亂石疊爲山碧靄積深樹石髓知可求只在青山
墅

清綺樓

樓栖上代物心同上代遊摩娑鍾鼎色髮髯見殷
周

蕉旭

枝枝遶簷巾葉葉當窻淨時從葉上書醉墨森相
映

竹林園

簣簴倚珠閣佛日應時長宴坐名言絕空庭聞妙
香

雪苑

種梅層崖顛老幹半成鐵逢春都着花疑是中林
雪

松寮

空寮茶事歇霏霏墜花雨亦欲學張譏松枝代談
塵

明月渚
山空暑氣渺水闊月明多照影朱顏在無妨近逝

波
茶嶼

靈草隱重巖飛鳥自來去茶烟一縷生幽人不知處

香
櫻桃塢

竹筍經時出含桃入眼新頻將櫻筍燕盡賞醉鄉春

瓢泉

綠淨天無風殘月照石壁為攜試茶人一泓在空碧

小山

飛梁風日明陂陀魚鳥泳徘徊坐磐石愛此青桂影

蓮葉渡

泊舟近方橋月出谿水淥采蓮人未歸遙聞欸乃曲

菊柴

采采籬邊菊何如金滿籬便從千載後雙眼到淵明

鹿坪

山深松檜古石瘦薜蘿幽欲托鴻冥意閒將鹿女遊

飛雲隴

岡勢高復下湖靄散還有遊人自相問此是人間

苑亭

平臺帶遠樹兩岸寒蘆發遂令庭戶間坐見滄洲色

苻湖

隴靄孤飛盡擊汰且盤桓中有魚龍語沈波鑿斗寒

榴墅

春盡花欲殘庭虛榴始發會使毗山園芳菲不暫歇

六言絕句

覩友人閔壽卿像思企不足以四詩為頌

勝遊騁目千里世事閑看一漚得意裴仙斗室放
懷范蠡扁舟

壯年巨筆如椽東方有牘二千老至都無一物日
高枕翹閒眠

金山曾伴驢年幔亭亦扳鶴駕我自非釋非玄任
汝呼牛呼馬

落落風霜筋骨翩翩龍馬精神憑君少住千歲長

作華陽主人集卷之二十六目錄

七言絕句

寄潘朝言

宮詞

羅震谷七十三首

焦氏澹園續集卷二十五

壯年巨筆如椽東方有蹟三千
高枕翹閒眠

金山曾伴驢
幔亭亦板鶴
駕我自非釋非玄
任汝呼牛呼馬

斗華則主人
骨翩翩龍
君少住乎
淡雲

焦氏澹園續集卷之二十六目錄

七言絕句

寄潘朝言

慙勤宮詞書千里潦倒那知臥一山久矣交情成

市道羅震谷七十二首

贈邢供奉二首

仙翁贈言兼索玄暢樓勝賦答二首

絕句

送祖心說經山陽二首

羅震谷七十二首

宮詞

寄番陣言

七言絕句

焦氏澹園續集卷之二十六目錄

焦氏澹園續集卷二十六

七言絕句

寄潘朝言

慙勤不惜書千里潦倒那知臥一山久矣交情成
市道為君清淚落人間

宮詞

宛轉蛾眉只自憐長門一別動經年相如詞賦從
來絕咫尺那能到御前

羅震谷七十贈三絕句

樓上傳經吾子行平生使氣傲公卿彩毫時散金
床色片片飛花墮玉京
半壺濁酒陶元亮萬卷殘書葛稚川小雨輕風香
篆裊不妨長對菊花眠

邢供奉二首

內粧渾似董雙成十二能歌入破聲翻得新腔仍
自惜流傳未滿建康成
分付清歌與客心風情絆惹縷衣金昭陽不道雲
霄隔猶帶霓裳法部音

仙翁贈言兼索玄暢樓榜賦答二首

學道曾窺混沌初頻年身世墮空虛白頭贏得希
夷笑猶有浮名費埽除
玄暢樓成鶴馭賒桂旂蘭幄鬪高華玉人不乏三
天字却愛當年蔡少霞

絕句

圯上一編真我師山中七策久忘機子房暫爲鴻
飛出范蠡今從蝦菜歸
不知身自是仙才夢裡朝元日幾回指點蓬萊水

清淺醉乘鸞鶴又歸來

花明月淡海天秋三十六重烟雨樓數載欲歸歸
未得看君先上木蘭舟

世事浮烟着猛回山中况有水雲師莫教老去方
知悔空對西風賦病梨

送祖心說經山陽二首

苦海誰為出世人又憑飛錫度淮雲漫持天竺無
生法喚醒閻浮有漏身

車持一發可能攀鹿女銜花去杳然石濩烟雲今

夕見秣陵風日幾時還

十七目錄

詩餘九首

焦氏澹園續集卷二十六終

澹園續集卷三十六終

世事浮烟着儘回
山中沙有幾多灰
知悔空對西風賦
病梨

送祖心說經山陽二首

苦海誰為出世人
又憑飛錫度淮雲
漫持天竺無生法
喚醒閻浮有漏身
公景新刻風日樂劫數
銜花去杳然石渡烟雲今

焦氏澹園續集卷之二十七目錄

詩餘 九首

滿江紅壽程孺人

七十華年問全福人
誰得似還又見高堂設帳仲

...

詩餘
六首

焦氏澹園續集卷之二十七目錄

焦氏澹園續集卷之二十七

詩餘

滿江紅壽程孺人

七十華年問全福人誰得似還又見高堂設悅仲
春天氣有子翩如森砌玉孫枝更得追風驥喜玳
筵開處滿簪裾笙歌沸花繞步燈搖醉明月豔
驚鴻態笑顚和扣石麻姑鞭背不必親扶靈壽杖
時來將赴瑤池會看蟠桃結子又開花三千歲

雨中花慢 題三教會宗圖

名利交馳昏夜無休人間苦海茫茫問如何瞿塘
撲馬歧路亡羊誰是長年三老一竿坐斷危灘有
濠梁道士東魯逢衣天竺緇郎玄言如屑妙思
翻空稀微烟渺雲翔更那知迷之霄壤悟只尋常
金地不離方寸白雲何必仙鄉夢醒東家盡虛空
界總是還丹

雨中花慢 題五嶽臥遊圖

馬上三年五嶽真形錦囊衣帶長留喜谿山浩渺
風月夷猶一壑眼前自足千巖脚底冥搜笑向平

老子未了平生兒女閒愁 采真何處驂鸞駕鶴
夢魂天際悠悠渾未解仙遊不遠聞早回頭欲令
衆山皆響何妨臥對南樓好天良夜鼓琴動操勝
槩都收

清平樂二首周封翁八十

烟融日膩正小春天氣况是鸞書雲外至滿勸仙
翁一醉 壺中歲月方長江南草木吹香拚取此
身強健功名飽看兒郎

斑斕彩袖笑捧金船酒綠橘黃橙娛白晝三祝千

滄園續集 卷二十七
二
齡長壽 閒來踏遍牛山浮屠絕處曾攀看取老
來筋力神仙只在人間

虞美人顧宜人七十

小春壽燕年年早更覺今年好金昆玉友總時英
看取相隨平步到蓬瀛 杯中滿汎秦淮綠豔舞
棼如玉翩翩萱草可憐生長與北堂松桂共青青
百字令楊孺人六十

長空如洗正昨宵纔過天中嘉節燕寢凝香珠履
集此日蟾宮仙謫竹影篩金榴花噴火中有人華
髮摻摻素手悅與綵絲同設 最喜翠傘紅翻鱗
鱗酒面又對如鈎月好喚玉娥來洛浦小按六么
新拍綺席歡餘芸堂漏靜莫惜金樽側遙瞻天際
婺光已動南極

慶長春壽江峰何封翁八十

赫赫絲綸曾兩從天墜衡門生色綵服烏紗相映
處矯矯顏紅髮白蒲葉浮杯江魚入饌况遇生申
節薰風滿座神仙環珮清切 多少桃獻瑤池鹿
騎蓬島一笑乾坤窄未擬招邀遊汗漫先報長生

消息繡幕香圍歌聲舞影且醉三千客廣成同歲
看翁千有二百

木蘭花慢詠坐隱圖

蘿山成小隱見烏兔自西東一徑白雲家僮未埽
宛似崆峒只恐爛柯人到覺風光不與世塵通拈
取奩中黑白縱觀枰上雌雄 經綸事業笑談中
局面幾番同任是解圍先着獨占機鋒間思殷周
劉項算到頭蕉鹿總成空何必瀉山拍手醉眠明

月千松

卷二十七終

